



歷代名賢列女氏姓譜卷之六十二

湘鄉

蕭智漢雲澤氏

男秉信明甫氏



下平聲

喬氏

出白姬姓本橋氏也漢太尉元六世孫勃後魏平原內史從孝武入闕居同州生朗朗生達後周文帝命橋氏去木義取高遠也世居太原一云匈奴貴姓世為輔相

歷代名賢

晉

喬智明字元達鮮卑前部人也少喪二親哀毀過禮長而以德行著稱成都王穎辟為輔國將軍穎之敗趙王倫也表智明為殄寇將軍隆慮其二縣令二縣愛之號為神君

氏姓譜

卷六十二

二蕭

喬氏

一

部人張兌為父報仇母老單身有妻無子智明惑之停其獄歲餘令兌將妻入獄兼陰縱之人有勸兌逃者兌曰有君如此吾何忍累之縱吾得免作何面目視息世間於獄產一男會赦得免其仁感如是惠帝之伐鄴也穎以智明為折衝將軍參丞相前鋒軍事智明勸穎奉迎乘輿穎大怒曰卿名曉事投身事孤主上為羣小所逼將加非罪於孤卿奈何欲使孤束手就刑邪共事之義正若此乎智明乃止尋屬永嘉之亂仕于劉曜

南

喬順隱湘州棲霞谷服飛龍藥二十年不飢文帝詩云西山有仙童不飲亦不食

唐

喬知之同州馮翊人父師望尚高祖女廬江公主生三子



並以文詞知名知之尤稱才俊所作篇詠人多諷誦則天時累除右補闕遷左司郎中有侍婢曰窈娘美麗善歌舞爲武承嗣所奪知之怨惜因作綠珠篇以寄情密送與婢婢感憤自殺承嗣大怒因諷酷吏羅織殺之殘其家

喬備知之弟也開元初爲兗州都督

喬備知之弟則天時預修三教珠英長安中卒於襄陽令喬琳德宗相衰老耳聵上或時訪問應對不失次

宋

喬執中字希聖高郵人入太學補五經講書五年不謁告王安石器之命子弟與從遊擢進士調須城簿時大興河役役夫課而潰因起大獄執中往代始帖然富民賂吏白轉運使將刑橋所以罔市利執中爲疏其害卒不能奪安石引編修熙寧條劄選提舉湖南常平章惇討五溪檄執

氏姓譜

卷六十一

二蕭

喬氏

二

中取大田離子二峒路旣險絕期且迫走一校諭其酋卽相率歸錄功當遷秩請還贈父母就徙轉運判官召爲司農丞提點開封縣鎮朝廷議取諸縣牧地民占耕歲久當平邱墓伐桑柘萬家相聚而泣執中爲請於朝詔復與民改提點京西北路刑獄會河決廣武埽危甚相聚莫敢登執中挺身立其上隨者如蟻不日掃成元祐初入爲吏部郎中請選人出縣令錄事參軍致仕者升朝籍得封其親俄兼徐王府侍講翊善遷起居中書二舍人起居郎至給事中有司議天下獄失出入者與同坐執中駁之曰先王重入輕出恤刑之至意一旦均之自是法吏不復肯與生比非皇上好生之仁刑恕遇赦復用執中言恕曩結蔡確鼓唱扇搖今復其官懼疑中外遷刑部侍郎詔聖初上官均指爲呂大防所用以賣文閣待制知鄆州爲政寬厚



有仁心屢雪刑獄活以百數明年夢神人昇以騎都尉詰  
且爲容言之談笑而逝年六十三

喬維岳字伯周陳州南頓人治三傳周顯德初登第授太  
湖簿遷平典令開寶中薦爲太子中舍知高郵軍通判揚  
常昇三州改殿中丞太平興國初徙襄州丁內艱值陳洪  
進子文顯領泉州留後朝議擇能臣闕掌郡事起爲泉州  
通判會仙游盜起率衆數萬來攻城中兵裁三千勢甚危  
急監軍何承矩王文寶欲屠其民燔府庫而遁維岳抗議  
以爲朝廷寄以綏遠今惠澤未布盜賊連結反欲屠城豈  
詔意哉承矩等因共堅守旣而楊克讓率相州兵破賊圍  
遂解詔褒之代歸爲淮南運副遷右補闕進運使淮河西  
三十里山陽灣水勢湍悍運舟多覆詔維岳規度開故沙  
河至淮陰磨盤口四十里北至淮遊凡五堰又荆三斗門

氏姓譜

卷六十二

二蕭

喬氏

三

於第三堰二門相距踰五十步覆以厦屋設懸門積水候  
潮平泄之建橫橋岸上築土累石以固其址自是往來無  
滯按部泗州有囚死罪逮獄母年八十餘維岳哀而釋之  
坐贖金罷使職權知楚州遷戶部員外郎度支判官轉郎  
中復爲兩浙轉運使歷知懷滄二州真宗尹京召爲開封  
推官儲闡建兼左諭德轉大常少卿及踐昨命權知開封  
拜給事中知審官院以體肥艱於拜趨乞外授海州刺史  
移蘇壽二州卒年七十六贈兵部侍郎錄孫世昌獻之並  
同學究出身維岳明習吏事有治劇才王欽若始舉進士  
預知其貴又善待陳彭年自刺郡連奏爲通判皆稱薦之  
喬行簡字壽朋東陽人從學呂祖謙登進士歷官知通州  
王管戶部架閣召試館職爲秘書正字兼密院編修淮西  
淮南運判知嘉興兼淮浙提刑移鎮江列上備邊四事言



金有必亡之形遷起居郎國子司業國史編修實錄檢討兼侍講尋轉宗正少卿權工部侍郎貽書丞相請理宗行三年喪應詔上疏曰近者求賢求言二詔果能確守初意深求實益則人才振而治本立國威張而奸宄銷竊觀近事似或不然自侍從郎官監司郡守所舉賢能才識之士陛下蓋嘗撫其一二欲召用之矣內外囊封或直或異或切或泛又嘗撥其一二見之施行且褒賞之矣而天下終疑爲具文者蓋以所召非久無宦情決不肯來之人則年已衰暮決不可來之人耳彼風節素著持正不阿廉介有守臨事不撓者固未嘗收拾而召用之也其所施行褒賞者往往皆末節細故無闕理亂粗述古今不至抵觸者取之以外示聽受之意其或深憂遠識高出衆見忠言至計有補聖聽者未聞采納而聽用之也今班行之彥麾節之

氏姓譜

卷六十一

二篇

喬氏

四

臣或以職業有聞或以言語自見天下未知其得罪之由徒見置散投閒倏來驟去甚至廢罷而鐫劓削奪而流竄皆以爲陛下黜遠善士厭惡直言去者以此而得名朝廷因是而得謗願益敬天命伸士氣勿因異同之議致有渙散升兼侍讀國子祭酒吏部尙書端明殿學士簽書樞密院事太后崩疏言向者內廷舉動皆有稟承縱使小人盡惑求媚猶有所憚而不敢發今則戚畹肺腑近習貴幸奔走使令之輩外取貨財內壞綱紀上以罔人君之聰明下以撓官司之公道假采聽之言而中傷善類設衆人之譽而進拔儉人借納忠劾勤之意以售其陰險巧佞之私竊弄人主威權使不自知陛下衰經在身愈當警戒以春秋方富之年居聲色易縱之地萬一不能自制必於盛德有虧又論許國不當換文資鄭損不當帥蜀時青乃邊陲大



將一旦爲李全所戕竊意軍中必有激昂思奮之人莫若  
拔其尤者以護其師指明殺青者姓名俾之誅戮然後加  
恤典於青不惟可折其奸心且以存吾之大體山陽民散  
財殫非凶賊久安之地揚州城堅勢壯未必無窺伺之心  
不可不先爲之慮也及全攻圍秦州行簡又奏此賊氣貌  
無以踰人未必有長算深謀直剽悍勇決能長雄於其黨  
耳而冒至三孤功薄報豐此天理人情之所共憤惟決意  
行之毋同知樞密院事兼參知政事時議收復三京行簡  
奏言不憂出師之無功而憂事力之難繼自古英君必先  
治內陛下視今日之內治其已舉乎其未舉乎向未攬權  
之前其弊凡幾今旣親政之後更新凡幾欲用君子其志  
未伸欲去小人其心未革上有勵精更始之意而士大夫  
之苟且自若上有禁包苴戒貪墨之令而州縣之贖貨自

氏姓譜

卷六十一

二蕭

喬氏

五

如欲行楮令則外郡之新券雖低價而莫售欲平物價而  
京師之百貨視舊直而不殊紀綱法度其隳多矣乃欲闢  
闢乾坤制奸雄而折戎狄其能盡如吾意乎自古帝王欲  
用其民必先得其心數十年來上下皆懷利以相接而不  
知有所謂義民方滅於守令緩急豈能效死卒不愛其將  
校臨陳何能直前未有轉移因結遽欲驅之從事忠義之  
心何由而發乎自古英君規恢進取必須選將練兵豐財  
足食今邊面遼濶非止一塗審知將帥足當一面者幾人  
勇而能鬪者幾人智而善謀者幾人兵能戰者幾萬可分  
者幾萬留屯者幾萬借日以計招徠以功激賞臣實未知  
錢糧之所從出也今百姓多垂罄之室州縣多赤立之帑  
欲以應邊臣之求可一而不可再可再而不可三可三之  
後欲中輟則廢前功欲勉強則無事力臣恐北方未可圖



而南方已先騷動矣後皆如所慮端平初進知樞密院事尋拜右丞相力奏三京捷敗襄陽失守事勢可憂而不可恃者七言甚懇切三年以明堂雷雨策免甫去趣召還京拜左丞相援韓琦故事乞以邊防財用分委執政請修中興五朝國事初封肅國公嘉熙三年加少傅平章軍國重事進益國公告老加少師保寧軍節度使醴泉觀使改封魯國公致仕淳祐元年二月薨年八十六贈太師諡文惠爲人歷練老成識量宏遠所奏事切中時弊薦士無間幽隱多至顯達布衣錢時吳如愚咸擢館閣所著有周禮總說孔山文集

喬疎高郵人以學行推於時教授鄉里從之學者多以文行知名而淮南數千里間高郵若齊魯自疎發之孫覺其徒也

氏姓譜

卷六十一

二蕭

喬氏

六

喬夢符東陽人淳熙間進士累官大理正卿鞫獄嚴明不畏權勢進監察御史奸佞爲之歛跡既卒子孫蕃衍並登華要

喬大臨政和間爲海鹽令時平江朱勔以花石得幸其蒼頭至海鹽甚橫大臨追逮杖十餘人坐是罷官士論高之喬同少入山學道年八十益壯東坡詩有結茅松山啖松腴炯然蓮花出泥塗之句

喬叙字禹功爲太傅知欽州東坡詩云喬侯瑚璉器清廣常薦盟再知施州坡詩愧無負郭田千頃空有載行書五車

元

喬彞字仲常號芸齋晉寧人性高介有守至正十八年拔將王士誠襲晉寧城陷城中死者過半彞家有大井乃整



生井上令妻子婢輩循次投井中而已隨赴之士誠  
知彛名使人卽其家邀致之至則死矣賊平賜諡曰純

潔

喬達字達之官翰林直學士山水學李成墨竹學王庭筠

**明**

喬若雯臨城人萬歷四十七年進士授中書舍人遷禮部  
主事崇正元年春廷臣爭擊魏忠賢黨若雯亦兩疏劾兵  
部侍郎秦士文御史張訥智銓備列其傾邪狀尋言故輔  
魏廣微罪惡滔天致先帝冒桓靈之名罪不下忠賢其徒  
陳九疇張訥智銓爲之鷹犬專噬善類罪不下彪虎乞死  
者削其官階生者投之荒裔帝責其誣毀先帝而九疇等  
下所司行遣若雯尋改吏部遷員外郎出爲兗州知府剔  
除積弊豪猾斂手疾歸士民遮道泣送及城陷若雯端坐

氏姓譜

卷六十一

二蕭

喬氏

七

按劍以待莽支設事門贈太常少卿

喬璧星臨城人官右僉都御史巡撫四川

喬宇字希大山西樂平人祖毅工部左侍郎父鳳職方郎  
中皆以清節顯宇登成化二十年進士授禮部主事宏治  
初王恕爲吏部調之文選三遷至郎中門無私謁擢太常  
少卿武宗嗣位遣祀中鎮西海還朝條上道中所見軍民  
困苦六事已遷光祿卿歷戶部左右侍郎劉瑾敗大臣多  
以黨附見劾宇獨無所染拜南京禮部尙書乾清宮災率  
同列言視朝不勤經筵久輟國本未建義子猥多番僧處  
禁寺優伶侍起居立皇店留邊兵習戰鬪土木繁興織造  
不息凡十事帝不省久之改兵部參贊機務以帝遠遣塞  
上而監國無人請早建儲貳帝將自擊寇宇復率同列諫  
皆不報未幾寧王宸濠反揚言旦夕下南京宇嚴爲警備



而談笑自如時攜客燕城外密察地險易置戍守綜理周密內外宴然指揮楊銳有才畧署爲安慶守備鎮守中官劉瑯與濠通爲預伏死士宇刺得其情詰瑯用事者瑯懼不敢動宇乃大索城中斬所伏壯士三百人懸首江上宸濠失內應且知有備不敢東攻安慶銳固守不得下未幾敗帝至南京詔百官戎服朝明年正旦宇不可率諸臣朝服賀江彬索城門諸鑰都督府問宇宇曰守備者所以謹非常禁門鎖鑰孰敢索亦孰敢予雖天子詔不可得都督府以宇言復乃已彬矯旨有所求日數十至宇必廷白之彬亦稍稍止彬欲譖去宇守備太監王偉者初爲帝伴讀帝信之每從中調護故彬謀不行帝駐南京九月宇倡諸臣三請回鑾又自伏闕請駕旋扈至揚州明年加太子太保論保障功復加少保世宗卽位召爲吏部尙書宇自爲

氏姓譜

卷六十一

二蕭

喬氏

八

選卽有人倫暨及是銓政一清帝求治銳甚宇與林俊彭澤孫交皆海內重望帝亦委任之凡爲權倖所黜者皆起列庶位天下欣欣望治帝性剛好自用宇所執漸不見聽興府需次官六十三人乞遷叙宇言此輩虛隸名籍與見供事者不同黜罰之有差皆怨宇帝欲封駙馬都尉崔元爲侯外戚蔣翰郤喜爲伯宇不可無何詔進壽寧侯張鶴齡爲公封后父陳萬言爲伯授萬言子縉祖尙寶承宇言累朝太后戚屬無生封公者張縉亦沒後贈今奈何以父贈爲子封萬言封伯視縉更驟而子授尙寶非制願陛下守典章以垂萬世帝並不從史道訐楊廷和宇言道挾私遂下之詔獄曹嘉助道劾宇宇求罷帝命鴻臚趙視事宇遇事不可無不力爭而爭大禮尤切帝欲加興獻帝皇號宇言加皇於本生之親則于正統非所以重宗廟正名分



及禮官請稱獻帝爲本生考帝收稱本生皇考又詔建獻帝廟於大內宇等復連章諫特旨用席書爲禮部尙書宇又偕九卿言陛下罷汪俊用席書謫馬明衡季本陳述召張璠桂萼霍韜舉措乖違人心駭愕夫以一二入邪說廢天下萬世公議內離骨肉外間君臣名爲劾忠實累聖德且書不由廷推特出內降此祖宗來所未有乞令俊與書各仍舊職宥明衡等止璠萼毋召尋復請罷璠萼書而出爭大禮者呂柟鄒守益於獄會璠萼至京諸皆用爲學士宇等又言內降恩澤先朝率施於佞倖小人若士大夫一預其間卽不爲清議所齒况學士最清華而俾萼等居之誰復肯與同列哉帝怒切責宇遂乞休許之馳傳給夫廩猶如故事御史許中劉隅等請留宇帝曰朕非不用宇宇自以疾求去耳後明倫大典成追論前議奪官楊一清卒

氏姓譜

卷六十一

二蕭

喬氏

九

宇渡江昂之南都父老皆出迎舉手加額曰活我者公也宇幼從父京師學於楊一清成進士後復從李東陽游詩文雄雋兼通篆籀性好山水嘗陽太華絕頂遇虎僕夫皆驚仆宇端坐不動虎徐帖尾去家居澹泊服御若寒士身沒二妾劉許皆從死穆宗卽位復官贈少傅謚莊簡

喬岳字伯宗長興人洪武間由歲貢選入史館永樂初授監察御史巡按雲南安撫夷民清理屯田興學校政績頗著又奉敕差廣西招諭九溪土官居官清謹母憂不復仕喬穩章邛人幼警敏狀貌奇偉通曉法律洪武中以人才薦授北平府理問太宗兵過歷下獻策稱旨陞北平按察使屢陞刑部左侍郎嘗以布素感激知遇犯顏直諫被譴責幾死者三尋乞歸

喬毅樂平人宣德進士官至兵部侍郎子鳳登天順丁丑



進士官兵部武選郎中後先相望世濟其美

喬誠朝邑人由太學生歷官勤能陞山西布政司左參政處心忠信措事寬平人稱爲長者

喬允升字吉甫洛陽人萬歷壬辰進士天啟初歷刑部左右侍郎魏璫以允升與趙南星善逐去之崇正初拜故官定逆黨案允升佐韓爌醜別雖首輔不少假詞臣文震孟經筵進講引允升爲喻曰以道事君在廷大臣惟喬允升爲無愧居官端方廉直剔歷中外具有聲績後以註誤獲重譴天下惜之

喬縉字廷儀洛陽人少穎敏師事河東薛瑄成化壬辰進士授兵部主事累遷郎中出補四川參議時馬湖府知府安鰲殺叙南衛千戶曹明獄久不具御史檄縉鞫治一訊卽服未幾貴州苗蠻叛命都御史鄧廷瓚帥三省兵討之

氏姓譜

卷六十一

二蕭

喬氏

十

敢縉督餉苗平賜文綺寶鈔以旌之久之不調上疏乞歸卒年七十二所著有性理解惑河南郡志及族譜若干卷喬通字世亨臨清人領宏治己酉鄉貢任河南登封教諭陞國子助教累官監察御史在登封時教育生徒恩養備至有善必成有過必救貧乏不能自存者捐貲周恤歷清要節操愈堅祀名宦祠

喬璽山後人正德辛未薊盜劉六等率衆萬餘攻東明璽以指揮從遊擊將軍許泰奉命擊賊圍二日將陷璽爲先鋒率衆突至大戰於城東賊衆我寡鬪數十合與姜千戶俱戰死已而泰以重兵繼之賊乃敗城賴以全

喬世寧字景叔耀州人嘉靖己酉鄉試第一庚戌進士歷官山西按察使以母憂去職尋起官督學楚中勁直明敏才思渙發文宗秦漢下筆數千言淵淵不匱時楚士文體



尚拘故習一洗而新之士始知文義之妙楚地曠廣日閱  
三百卷辰試酉發車無停轂文學行誼爲時所重

喬恕字希仁寧陵人宏治庚戌進士知平陸縣調婺源授  
御史壽寧侯家奴犯罪恕訊之抵於法疏劾劉瑾謫列州  
判官瑾敗起補湖廣參議歷太僕卿卒于家

喬明楷字冠林永城人崇正癸酉舉人性純孝逆弁劉趙  
猶獠父在圍中明楷以計給賊迎父得免又言於當道使  
圖之趙啣恨遂與魏景琦同日遇害全家受屠祀鄉賢

喬璣新野人與弟璋俱邑庠生父卒兄弟哀毀踰禮及葬  
同廬墓三年有芝產於冢側人以爲孝感所致正德二年  
旌表

喬晉東安人少游邑庠嘉靖初流賊剽掠爵帥民壯至三  
山舖奮身禦敵俘獲甚衆後從征大藤峽有功陞副千戶

予世襲

氏姓譜

卷六十一

二蕭

喬氏

十一

喬萬望號弦所松江舉人萬歷間任廉以持已勤以恤民  
尤重學校田倫堂圯卽力新之其于逋負必漸次輪納負  
罪者至庭必哀矜而遣之擢懷慶府別駕戴公述其德政  
喬鑑雲中人讀書識治體洪武間任縣丞贊佐有方民之  
好善若已有之未嘗顧慮爲進退尤切於修廢墜所葺宣  
明樓及修進林碑廣濟橋歲禳橋種德橋功績不可殫述  
喬光顧寧鄉人萬歷中爲善化丞志潔履芳獨甘清苦一  
切時例力爲剷除篤愛小民留心學校未幾以內艱去  
喬林定遠人原任永州衛所百戶洪武二十六年調任東  
安守鎮州

歷代列女

喬氏嘉定真塘鎮人何介妻也介以醫寓京師甲申三月



之變喬有女方十四歲先令投緹見女死乃從容自經介亦終身不娶

喬氏參議縉之女年十六適河南衛指揮舍人許昂甫一年昂卒遺腹三月後生男教之成立蔭襲前職苦節三十餘年曾不一出門戶里人稱之

喬氏蒲城廩生趙光裕妻守節教子宏猷入泮氏爲文以祭其夫曰藍袍在躬喜看孤兒之入泮黃流奠地聊酬孀婦之和充聞者避之

喬氏臨城王祥妻也生一子年方七歲而夫卒家貧守節躬親紡績撫養幼子始終無玷成化四年旌表其門

喬氏武陵人黃鶴鳴妻年十九孀居撫遺腹子一寧成立事聞旌表

喬氏洛陽人郭遵夏妻夫卒守節終身巡按題請建坊

氏姓譜 卷六十一 二蕭 喬氏 十一

喬氏洛陽人杜敦孝妻闖賊破城不屈死

喬氏靈石進士宋之雋妻也之雋歷官登萊監軍副使落職歸及遇變之雋受刑死喬晉賊撞階死女歛屍畢拔簪刺喉死

饒氏

見姓苑望出平陽臨川

歷代名賢

饒威魯陰太守有惠政得吏民心

饒斌漁陽太守

饒助永安人

饒廷直南城人第進士嘗過武昌游黃鶴樓忽遇異人授



以秘訣自是不通妻妾蕭然獨居後爲邳州通判卒其柩過鄉界者覺其輕蓋尸解云

饒虎臣字宗召太平府寧國人登嘉定進士調將作監簿差知徽州累遷秘書著作二郎右司兵部員外左司郎中司農卿以直龍圖閣爲福建轉浙東提點刑獄拜太府卿兼中書門下檢正諸房公事除秘閣修撰爲兩浙轉運使人權禮部侍郎兼侍右郎官攝吏部尚書寶祐六年拜端明殿學士簽書樞密院事開慶元年同知樞密院景定初賈似道入相拜參知政事侍御史何夢然論罷以資政殿學士提舉洞霄宮再劾褫職罷祠四年復元官提舉太平興國宮德祐元年追復元官守資政殿學士致仕卒

氏姓譜

卷六十一

二蕭

饒氏

七

饒子信字元禮臨川人從胡瑗孫復受經親沒不事科舉楊傑授以星歷諸書莫不洞究結庵凌雲山名曰葆光杜門著書臨江守王說欲迎致軍學郡守劉公臣曰吾州有士如此令他之可乎乃迎還躬率諸生聽講說崇寧初詔舉懷才抱藝養素邱園之士郡以子儀應詔所著編年史要陳確爲之序謂其事核旨密有補於聖經又有周易論語解及詩文集

饒疎熙寧中舉進士下第以詩投荆公云又還垂翅下青霄歸指臨川去路遙二畝荒田多賣却要錢準備納青苗饒幹字廷老邵武人淳熙二年登進士調知長沙縣適朱熹爲守幹夙興治事暇卽講課後知懷安軍卒有爲之銘曰能磨琢而器吾之王乎則心皇皇如不足能烜赫而丹吾之穀乎則足縮縮如不欲故樂也不加若性而汚也不



懼其辱是謂善學朱氏者蓋不惟其名而實之篤

饒延年字伯永崇仁人魁岸倜儻游陸象山之門象山稱其閑豁有力量以經學稱篤信自守隱居不仕輕財好義值歲歉穀價翔湧延年以錢米和糴指天自誓曰穀價定於此矣每斗槩量得錢纔六十五遂爲定價鄉人德之緒定三年值寇亂趨金陵兩月微疾一夕明燭焚香跌坐而逝年八十餘矣郡守爲位於天寧寺祭之魏了翁題其碑曰有宋長者饒止翁墓子應龍登進士

饒魯字伯興饒州人幼從黃幹遊性行端謹學術精明累薦不起號雙峯及卒門人私諡文元有五經講義語孟紀聞春秋節傳庸學纂述等集

饒祖堯字述古臨川人以恩授靖江司理祖堯嘗曰仕官未顯惟欲訟可以盡心時相姻家自海道來舟沒溺所司

氏姓譜

卷六十二

二蕭 饒氏

古

連逮甚眾祖堯辨證而釋之漕臺有廐卒刃其徒於野園夫被誣久不白祖堯委曲鉤索不待榜笞而伏後改調建寧察推致仕卒

饒應龍字翔夫端平進士知德化縣邑有挾豸以抵令者應龍奮然以官可罷筆不可改歸卹於郡丁大全欲處以要官拒不出在臺端風力甚勁有勸其婉筆者答曰言官豈可婉邪竟不答而歸

饒敏學理宗時知黔陽器量宏深廉慎自守長於治事蠻夷畏服凡營建民不知勞而事集民愛慕之

饒應子字定先崇仁人緒定進士官至監察御史兼崇政殿說書時江西湖南北皆受兵詔淮兵赴援應子上疏淮不可弛備又言洪天錫有犯無隱監學小臣如徐庚金輩叩閭去國宜旌異之累疏丁大全及董宋臣等罪



饒應孫景定初知建昌軍嘗修軍學及龜湖浮橋庶政畢舉時稱其能

饒烈字丕承臨川人世業春秋後與姪嶽受業康齋之門潛心經學理欲之辨甚嚴嘗揭聖賢法言於軒楹間以自警策康齋爲題其几研之處曰麟經軒爲之記晚遷居父墓之側時與門人子弟徜徉原野間班荆剖論緩步行歌翛然自得號巢雲有巢雲稿藏于家

饒道字德操工詩宗山谷與陳無已等二十五人爲法嗣呂居仁作江西傳衣詩派圖

元

饒宗魯字心道臨川人性孝友生五歲母沒恒以不逮養爲恨春秋展墓涕泗交集旣去猶嗚咽不自禁事繼母孝養備至天歷二年大旱鄉人之食祭廩振貸不能遍及則氏姓譜

卷六十一

二蕭

饒氏

五

爲粥以食之所活甚眾家故饒富自奉無異貧士號六有所著有易傳庸言及雜文若干篇又輯其所嘗聞於平山曾孫良爲續其周易輯說若干卷

饒介字狷之鄱陽人博學有口才草書亦飄逸

明

饒瑄字文璧臨川人中正德癸酉鄉試南宮不第不復仕進以所學授徒於家文璧少時不羈好馳馬試劍弱冠委身於學卽不爲尋常舉業剽擿之習星歷算數山經地志九流百家之書橫驅直蕩無一不通已乃覺其泛而不統初善張橫渠以禮爲先之教中慕邵子靜坐百原之學最後深信陸象山而遵體之蓋文璧之學凡屢變矣其爲文亦峻潔有程法自號行齋學者稱爲行齋先生

饒國南城人由監生歷官工部時營建北京公務繁劇晞



以練歷幹濟事克集署大司馬事得大臣體九載遷廣西參議自始至終以廉慎持己以剛直臨政及卒衣衾僅以爲殮囊篋蕭然

饒尚章進賢人知寧鄉縣有惠政于景暉景位並貴爲列卿萬歷丁巳景暉以巡撫四川過縣父老思其遺愛爲請祀名宦祠

饒伸字抑之進賢人萬歷十一年進士授工部主事後改南京吏部引疾歸遂不復出熹宗卽位起南京光祿寺少卿天啟四年累官刑部左侍郎魏忠賢亂政請告歸所輯學海六百餘卷時稱其浩博兄位累遷工部右侍郎母年百歲與伸先後以侍養歸一時以爲榮云

饒可久應城人幼孤事母孝舉於鄉知大興縣崇正初疏請更三朝要典時奄宦擅權謫光祿典簿遷應天府推官

氏姓譜

卷六十二

二蕭

饒氏

十六

刑部主事歷知府丁艱歸賊入語妻程曰臣死忠婦死節分也於是妻女相對自經可久被執賊強之拜曰頭可斷膝不可屈也遂遇害

饒尚恒秉性純厚詞氣溫雅入庠篤志力學奉孀母陳氏定省無違事庶祖母毛氏如生母旣沒葬祭盡哀弟尚恬早喪弟婦楊氏守節事姑姪在襁褓尚恒鞠育訓誨無異已出及姪維祺遊泮侍奉孀母母子節孝尚恒學行兼優貢入春官授衡山訓導陞安仁教諭致仕歸杜門講學造就多士邑庠之宗匠也卒年八十七舉祀之典尚有待焉饒寅由貢任城步教諭戊午荒開倉振濟時值瘟疫死無告者備棺收殮當事旌之

饒禮字景節南城人自幼敏學識者知爲偉器永樂中爲國子生授浙江道監察御史秉道疾邪得風憲體累陞河



南左布政使爲政寬恕惠澤及人一方黎庶咸愛戴之  
饒伯洪永樂中任巴縣丞廉幹勤慎民懷其德邑民謠曰  
井井鄉鄉絕叫囂桑麻盈野黍盈郊如何百姓相安好縣  
有清官說姓饒

饒政望江人登永樂陳循榜進士奉敕運江西糧儲竣事  
以賢勞擬授僉事因自陳願受教職歷壽張羅山教諭正  
統五年陞德安教授爲人莊重謹飭不妄言笑不事浮靡  
教有成規雖祁寒盛暑不輟後以老歸人謂其辭尊居卑  
律已成物當於古人中求之

饒秉鑑字憲華廣昌人由舉人景泰間任同知公正廉明  
聽政理財皆得民心嘗薦起人材修理學校又倡爲義倉  
修水利陞本府知府所著有春秋撮要

饒鳳詒字應宣新淦人東弟鳳儀少以友愛稱鳳詒尤刻  
氏姓譜 卷六十二 二蕭 饒氏 七

意古學以貢入南雍領嘉靖鄉薦鳳儀亦省試獲雋御史  
建坊榮之

饒欽字克恭祁門人天順庚辰進士授戶部陝西司主事  
有福建林舉人者以白金一緡寄欽而入會試死於火欽  
召其家僮還之家僮初不知也嘗差監收通州等處糧儲  
平料量時出納軍民便之三原王恕時爲少司徒攝部事  
欽以剛介清謹見稱尋遷雲南潯江府知府潯江古荒服  
地夷羅雜處時有寇奪者欽至首興學校省刑罰輕徭薄  
賦與民休息士風民俗爲之丕變時王恕以都察院右副  
都御史巡撫雲南謂欽有古循吏體秩滿請歸作書舍茅  
山下萬松間自號萬松散人所著有萬松遺稿藏于家  
饒鳳翔安陸人爲郡諸生既退事父母竭力逮喪晝夜號  
寢柩側三年旣葬廬于墓哭奠告面一如生依土成邱殯



有卑枝鳥巢之越六年始歸朝望猶徒步參泣雖雨雪不廢不赴宴會服衰麻終身有司以孝行獎之

饒瑗質敏好學明達五經博通經史遊學七省及門約五六百人瑗筆瓢屢空潛心著述卒年八十有二

饒思聰字子聞新淦人嘉靖進士由司理擢刑部主事歷官福建布政使卒于家思聰少負將畧喜談邊事與中丞曾銑齊名歷仕藩牧十餘年三職巨寇再疏漕河屢詔優

賜鈔幣

饒思鄒字克縮新淦人幼孤隨母守節外家以明經歷羅田尉令新寧反鴛鴦侵田數千畝政積多可紀述

饒彝字士中臨川人工詩畫永樂間寓居平樂胸次澹然人莫窺其際既歸昭人慕之以遺墨爲重

饒泗進賢人成化進士

氏姓譜

卷六十二

二蕭

饒氏

七

饒相大浦人嘉靖進士歷副使

饒天民字明先崇陽人嘉靖乙未進士

一歷代列女

饒考姬字瓊真饒州樂平人生貧家年十四頗勤織紉能自修整父勸漁於江遇風濤舟覆屍數日不出娥不食晝夜號哭自投而沒俄大震電水蟲多死父與女尸同浮出鄉人異之具禮葬其父及娥鄰水之陰縣令魏仲光碣其墓建中初黜陟使鄭叔則表旌其問河東柳宗元爲立碑饒氏婦姓劉氏廣濟人饒欽觀妻年二十二夫死守節四十餘年題旌

饒氏城步庠生李長盛妻夫故氏以少年矢志守節撫養弱孤紡績自給頗歷滄桑百折不渝鄉評重之

謙氏



通志云曹大夫食采於譙因氏焉

歷代名賢

譙

譙元字君黃巴郡閬中人也少好學能說易春秋仕於州郡成帝永始二年有日食之災乃詣舉敦樸遜讓有行義者各一人州舉元詣公車對策高第拜議郎帝始作期門數爲微行立趙飛燕爲皇后后專寵懷忌皇太子多橫天元上書諫曰臣聞王者承天繼宗統極保業延祚莫急亂嗣故易有幹蠱之義詩詠衆多之福今陛下聖嗣未立天下屬望而不惟社稷之計專念微行之事愛幸用於所惑曲意留於非正竊聞後宮皇子產而不育臣聞之怛然痛心傷剝竊懷憂國不忘須臾夫警衛不修則患生非常忽有醉酒狂夫分爭道路旣無尊嚴之儀豈識上下之別此

氏姓譜

卷六十一

二蕭

譙氏

九

爲胡狄起於轂下而賊亂發於左右也願陛下念天下之至重愛金玉之身均九女之施存無窮之福天下幸甚時數有災異元輒陳其變旣不省納故久稽郎官後遷太常丞以弟服去職平帝元始元年日食又詣公卿舉敦朴直言大鴻臚左咸舉元詣公車對策復拜議郎遷中散大夫四年選明達政事能班化風俗者八人時竝舉元爲繡衣使者持節與太僕任暉等分行天下觀覽風俗所至專行誅賞事未及終而王莽居攝元於是縱使者車變易姓名間竄歸家因以隱遁後公孫述僭號於蜀連聘不詣述乃遣使者備禮徵之若元不起便賜以毒藥太守乃自齎璽書至元廬曰君高節已著朝廷垂意誠不宜復辭自指凶禍元仰天歎曰唐堯大聖許由耻仕周武至德伯夷守餓彼獨何人我亦何人保志全高死亦奚恨遂受毒藥元子



英泣血叩頭於太守曰方今國家東有嚴敵兵師四出國  
用軍資或不常充足願奉家錢千萬以贖父死太守爲請  
述聽許之元遂隱藏田野終述之世時兵戈累年莫能修  
尙學業元獨訓諸子勤習經書建武十一年卒明年天下  
平定元弟慶以狀詣闕自陳光武美之策詔本郡祠以中  
牢赦所在還元家錢瑛善說易以授顯宗爲北宮衛士令  
譙隆閬中人上林令武帝欲廣苑圃隆固諫後遷成皋令

譙周字允南巴西西充國人也父哢字榮始治尙書兼通  
諸經及圖緯州郡辟請皆不應州就假師友從事周幼孤  
與母兄同居旣長耽古篤學家貧未嘗問產業誦讀典籍  
欣然獨笑以忘寢食研精六經尤善書札頗曉天文而不  
以留意諸子文章非心所存不悉遍視也身長八尺體貌  
氏姓譜 卷六十二 二蕭 譙氏 二十

素朴性推誠不飾無造次辯論之才然潛識內敏建興中  
丞相諸葛亮領益州牧命周爲勸學從事亮卒於敵庭周  
在家聞問卽便奔赴尋有詔書禁斷惟周以速行得達大  
將軍蔣琬領刺史徙爲典學從事總州之學者後主立太  
子以周爲僕轉家令時後主頗出游觀增廣聲樂周上疏  
諫曰昔王莽之敗豪傑竝起跨州據郡欲弄神器於是賢  
才智士思望所歸未必以其勢之廣狹惟其德之薄厚也  
是故於時更始公孫述及諸有大衆者多已廣大然莫不  
快情恣欲怠於爲善遊獵飲食不恤民物世祖初入河北  
馮異等勸之曰當行人所不能爲遂務理冤獄節儉飲食  
動遵法度故北州歌歎聲布四遠於是鄧禹自南陽追之  
吳漢寇恂未識世祖遙聞德行遂以權計舉漁陽上谷笑  
騎通於廣阿其餘望風慕德者邳彤耿种劉植之徒至于



輿病齋楛糲負而至者不可勝數故能以弱爲強屠王朗吞銅馬折赤眉而成帝業也及在洛陽嘗欲小出車駕已御銚期諫曰天下未寧臣誠不願陛下細行數出卽時還車及征隗囂潁川盜起世祖還洛陽但遣寇恂往恂曰潁川以陛下遠征故竊猾起叛未知陛下還恐不時降陛下自臨潁川賊必卽降遂至潁川竟如恂言故非急務欲小出不敢至於急務欲自安不爲故帝者之欲善也如此故傳曰百姓不徒附誠以德先之也今漢遭厄運天下三分雄哲之士思望之時也陛下天資至孝喪踰三年言及隕涕雖曾閔不過也敬賢任才使之盡力有踰成康故國內和一大小戮力臣所不能陳然臣不勝大願願復廣人所不能者夫輓大重者其用力苦不衆拔大艱者其善術苦不廣且承事宗廟者非徒求福佑所以率民尊上也至於

氏姓譜

卷六十二

二蕭

譙氏

三

四時之祀或有不臨池苑之觀或有仍出臣之愚滯私不自安夫憂責在身者不暇盡樂先帝之志堂構未成誠非盡樂之時願省減樂官後宮所增造但奉修先帝所施下爲子孫節儉之教徙爲中散大夫猶侍太子於時軍旅數出百姓彫瘁周與尙書令陳祗論其利害退而書之謂之仇國論後遷光祿大夫位亞九列周雖不與政事以儒行見禮時訪大議輒據經以對而後生好事者亦咨問所疑焉景耀六年冬魏大將軍鄧艾克江由長驅而前而蜀本謂敵不便至不作城守調度及聞艾已入陰平百姓擾擾皆迸山野不可禁制後主使羣臣會議計無所出或以爲蜀之與吳本爲和國宜可奔吳或以爲南中七郡阻險斗絕易以自守宜可奔南惟周以爲自古以來無寄他國爲天子者也今若入吳固當臣服且政理不殊則大能吞小



此數之自然也由此言之則魏能并吳吳不能并魏明矣  
等爲小稱臣孰與爲大再辱之恥何與一辱且若欲奔南  
則當早爲之計然後可果今大敵已近禍敗將及羣小之  
心無一可保恐發足之日其變不測何至南之有乎羣臣  
或難周曰今艾以不遠恐不受降如之何周曰方今東吳  
未窺事勢不得不受之受之後不得不禮若陛下降魏魏  
不裂土以封陛下者周請身詣京都以古義爭之衆人無  
以易周之理後主猶疑于入南周上疏曰或說陛下以北  
兵深入有欲適南之計臣愚以爲不安何者南方遠夷之  
地平常無所供爲猶數反叛自丞相亮南征兵勢偪之窮  
乃幸從是後供出官賦取以給兵以爲愁怨此患國之人  
也今以窮迫欲往依恃恐必復反叛一也北兵之來非但  
取蜀而已若奔南方必因人勢衰及時起追二也若至南

氏姓譜

卷六十二

二蕭

譙氏

三

方外當拒敵內供服御費用張廣他無所取耗損諸夷必  
甚甚必速叛三也昔王郎以邯鄲僭號時世祖在信都畏  
偪於郎欲棄還關中邳彤諫曰明公西還則邯鄲城民不  
肯捐父母背城主而千里送公其亡叛可必也世祖從之  
遂破邯鄲今北兵至陛下南行誠恐邳彤之言復信於今  
四也願陛下早爲之圖可獲爵土若遂適南勢窮乃服其  
禍必深易曰亢之爲言知得而不知喪知存而不知亡知  
得失存亡而不失其正者其惟聖人乎言聖人知命而不  
苟必也故堯舜以子不善知天有授而求授人子雖不肖  
禍尙未萌而迎授與人况禍以至乎故微子以殷王之昆  
面縛銜璧而歸武王豈所樂哉不得已也於是遂從周策  
劉氏無虞一邦蒙賴周之謀也時晉文王爲魏相國以周  
有全國之功封陽城亭侯又下書辟周周發至漢中因疾



不遜咸熙二年夏巴郡文立從洛陽還蜀過見周周語次因書板示立曰典午忽兮月酉沒兮典午者謂司馬也月酉者謂八月也至八月而文王果崩晉室踐阼屢下詔所在襁遺周周遂輿疾詣洛泰始三年至以疾不起就拜騎都尉周乃自陳無功而封求還爵土皆不聽許五年予嘗爲本郡中正清定事訖求休還家往與周別周語予曰昔孔子七十二劉向揚雄七十一而沒今吾年過七十庶慕孔子遺風可與劉揚同軌恐不出後歲必便長逝不復相見矣疑周以術知之假此而言也六年秋爲散騎常侍疾篤不暉至冬卒凡所著述撰定法訓五經論古史考書之屬百餘篇周三子熙賢同

譙周之長子察孝廉爲本郡大中正後遷沔陽令子秀

氏姓譜

卷六十一

二蕭

譙氏

三

譙同周之少子頗好周業亦以忠篤質素爲行舉孝廉除無錫令東官洗馬召不就

譙秀字元彥周孫也少而靜默不交於世知天下將亂預絕人事雖內外宗親不與相見郡察孝廉州舉秀才皆不就及李雄據蜀畧有巴西雄叔父驥驤子壽皆慕秀名具束帛安車徵之皆不應常冠皮弁弊衣躬耕山藪龔壯常歎服焉桓溫滅蜀上疏薦之朝廷以秀年在篤老兼道遠故不徵遣使赦所在四時存問尋而范賁蕭敬相繼作亂秀避難宕渠鄉里宗族依憑之者以百數秀年出八十衆人欲代之負擔秀曰各有老弱當先營護吾氣力猶足自

豈豈以垂朽之年累諸君也年九十餘卒

譙登周之孫以公亮義烈聞辟主簿領陰平太守陰平五官太姓素豪擅侵凌羌登誅之郡中肅然



譙德衡宜陽人仕爲信威將軍本州刺史封安成侯

譙定字天授涪陵人少喜佛後學易于郭曩氏郭氏世家南平始祖在漢爲嚴君平之師蓋象數之學也定後至京聞程頤講道于洛特潔衣往見盡棄其學而學焉得聞精義造詣深至浩然而歸適頤貶涪陵相與游泳北山之巖涪人名之曰讀易巖靖康初吕好問薦於欽宗召爲崇政殿說書以論弗合辭不就高宗卽位右丞許翰又薦時定在汴詔宗澤津遣至維揚寓舍窶甚與中貴人隣餽以衣食不受潛委金去定袖而歸之其操守自立類此上將擢用會金兵至不果定復歸蜀愛青城大峩之勝棲遯其中蜀人敬禮不敢名稱之曰譙夫子指所居曰譙巖卒之日

氏姓譜

卷六十二

二蕭 譙氏

三

有繪像祀之者後以易學授劉勉之胡憲而馮時行張行成則得定之餘意者也

譙南勳登科

明

譙謨華容人有才學能賦詩隱居不仕吟咏自娛天順初游京師石亨欲薦之乃逃歸鄉里邑縉紳學士咸禮重焉譙孟龍字乾甫南充人嘉靖進士知南昌府城西南茅園楓樹當章貢貯汝諸水之衝洪潦暴至汪洋一壑孟龍糾衆築堤躬自勸役障民居五千餘家田數萬畝至今名曰譙堤加意校士以故癸卯歲一郡得人最多陞雲南按察副使

譙又俊羅江縣道士也壯年忽夢太山府君追之賜以黃敕補爲杖直晝歸陽間夜赴冥府如此二十餘年常說人



間有命未終爲惡者追生魂管之其人在陽間之病或貧乞是也往見親戚及里人被管者明旦往視之皆驗然恒願得免忽于冥間遇道士不言姓者謂曰爾何不致名者盡於陽間上告南辰北極必得免父俊依此虔告忽爾太山府君却追黃敕自是遂免因入道攻易年八十餘

譙明四川人宣德中任御史

譙岳南充人嘉靖舉人

譙田隴南充人萬歷間興國州知州

銚氏

銚音姚見姓苑望出潁川

歷代名賢

銚猛潁川郊人也仕爲桂陽太守以王莽篡漢棄官歸郊

氏姓譜

卷六十三

二蕭

譙氏

三五

隱居太劉山中卒

銚期字次況長八尺二寸容貌絕異矜嚴有威父猛爲桂陽太守卒期服喪三年鄉里稱之光武畧地潁川聞期志義召畧賊曹掾從徇薊時王郎檄書到薊薊中起兵應郎光武趨駕出百姓聚觀喧呼滿道遮路不得行期騎馬奮戟瞋目大呼左右曰趨衆皆披靡及至城門門已閉攻之得出行至信都以期爲裨將與傅寬呂晏俱屬鄧禹徇傍縣又發房子兵禹以期爲能獨拜偏將軍援兵二千人寬晏各數百人還言其狀光武甚善之使期別徇真定宋子攻拔樂陽橐肥纍從擊王郎將兒宏劉奉於鉅鹿下期先登陷陣手殺五十餘人被創中額攝幘復戰遂大破之王郎滅拜期虎牙大將軍乃因間說光武曰河北之境界接邊塞人習兵戰號爲精勇今更始失政大統危殆海內無



所歸往明公據河山之固擁精銳之衆以順萬人思漢之心則天下誰敢不從光武笑曰卿欲遂前懼邪時銅馬數十萬衆入清陽博平期與諸將迎擊之連戰不利期乃更背水而戰所殺傷甚多會光武救至遂大破之追至館陶皆降之從擊青犢赤眉於射犬賊襲期輜重期還擊之手殺傷數十人身被三創而戰方力遂破走之光武卽位封安成侯食邑五千戶時檀鄉五樓賊入繁陽內黃又魏郡大姓數反覆而更始將卓京謀欲相率反鄴城帝以期爲魏郡太守行大將軍事期發郡兵擊卓京破之斬首六百餘級京亡入山追斬其將校數十人獲京妻子進擊繁陽內黃復斬數百級郡界清平督盜賊李熊鄴中之豪而熊弟陸謀欲反城逆檀鄉或以告期期不應告者三四期乃召問熊熊叩頭首服願與老母俱就死期曰爲吏儻不若

氏姓譜

卷六十二

二蕭

鍾氏

云

爲賊樂者可歸與老母往就陸也使吏送出城熊行求得陸將詣鄴城西門陸不勝愧感自殺以謝期期嗟歎以禮葬之而還熊故職於是郡中服其威信建武五年行幸魏郡以期爲太中大夫從還洛陽又拜衛尉期重於信義自爲將有所降下未嘗虜掠及在朝廷憂國愛主其有不得於心必犯顏諫諍帝嘗輕與期門近出期頓首車前曰臣聞古今之戒變生不意誠不願陛下微行數出帝爲之回輿而還十年卒帝親臨襚歛贈以衛尉安成侯印綬諡曰忠侯子丹嗣復封丹弟統爲建平侯徙封丹葛陵侯丹卒子舒嗣舒卒子羽嗣羽卒子蔡嗣

苗氏

唐書世系云出自芊姓楚若敖生鬬伯比伯比生子良子良生越椒字伯棼以罪誅其子賁皇奔晉晉侯與之



苗邑因爲氏其地河內軹縣南有苗亭卽其地也望  
出上黨東陽濟陰

歷代名賢

苗賁皇 晉大夫成公薨事景公景公十一年敗齊師於鞏  
明年齊侯來卻克獻之以得隕命之禮曰寡君使克也不  
腆敝邑之禮爲君之辱敢歸諸下執政以愆御人賁皇曰  
卻子勇而不知禮於其伐而卿國君其與幾何景公薨事  
厲公厲公六年公伐鄭楚救之遇于鄢陵楚子登巢車以  
望我軍伯州犂侍楚子後以公卒告楚子賁皇在公之側  
亦以楚子之卒告皆曰國土在且厚不可當也賁皇言于  
公曰楚之良在其中軍王族而已請分良以擊其左右而  
三軍萃於王卒必大敗矣

氏姓譜

卷六十一

二 齋

苗氏

七

苗浦 長水校尉

苗金符 撰古今通要四卷

唐

苗晉卿 字元輔 潞州壺關人世以儒素稱擢進士第調爲  
修武尉累進吏部郎中中書舍人知吏部選事選人訴索  
好官厲言倨色紛於前晉卿與相對終日無愠顏久之進  
侍郎積寬縱而吏下因緣作姦方時承平選常萬人李林  
甫爲尙書專國政以銓事委晉卿及宋遙然歲命它官同  
較書判覈才實天寶二載判入等者凡六十四人分甲乙  
丙三科以御史中丞張倚之子爽爲第一爽本無學故議  
者翯然不平帝爲御花萼樓覆實中裁十一二爽持紙終



日筆不下人謂之曳白帝大怒貶倚淮陽太守遙武當太守晉卿安康太守明年徙魏郡卽充河北採訪使居三年政化大行嘗入計謁歸壺闕望縣門輒步吏諫止晉卿以公門當下泥父母邦乎郡太守迎犒使所屬令行酒酒至必立飲白醕侍老有獻降西階拜而飲時美其恭改河東郡兼河東採訪使徙扶風郡封高平縣男遷工部尚書東都留守召爲憲部兼左丞安祿山反竇廷芝棄陝郡不守楊國忠本忌其有望卽奏東道賊衝非大臣不可鎮邊授陝郡太守陝虢防禦使晉卿見帝以老辭忤旨聽致仕于家車駕入蜀搢紳多陷賊晉卿間道走金州肅宗至扶風召赴行在拜左相平京師封韓國公食五百戶改侍中旣而乞骸骨罷爲太子太傅未幾復拜侍中元宗崩肅宗疾甚詔晉卿攝冢宰固讓曰大行遺詔皇帝三日聽政稽祖

氏姓譜

卷六十二

二蕭

苗氏

六

宗故事則無冢宰之文奉遺詔則宜聽朝惟陛下順變以幸萬國帝不聽後數日代宗立復詔攝冢宰固辭乃免時年老蹇甚乞閒日入政事堂帝優之聽入閣不趨爲御小延英召對宰相對小延英自晉卿始吐蕃犯京師晉卿以疾臥家賊興致脅之噤不肯語賊不敢害帝還拜太保罷政事永泰初薨年八十一贈太師京兆少尹護喪諡曰懿獻元載未顯時爲晉卿所遇載方相故諷有司改諡文貞晉卿寬厚所至以惠化稱魏人爲營生祠立石頌美再秉政出入七年小心謹畏不甚斥是非得失故能安保寵名然棘達事體百官簿最一省無遺議者比漢胡廣

苗愔長慶二年登第次弟憚登太和五年第小弟恪登太和八年第愔爲虞部郎與修袂會

苗發晉卿子能詩有名時與盧綸吉中孚韓翃錢起司空



曙崔峒耿漳夏侯審李端號大歷十才子中人發仕終都官員外郎

苗拯上黨人峭直有學術以諫議大夫貶萬州

苗神客東光人初為周王府戶曹參軍終著作郎

苗台符六歲能屬文聰悟無比十餘歲博覽羣籍著皇心

三十卷年十六及第張讀亦幼擅詞賦年十七及第同年

進士又同佐鄭少師宣州幕二人常列題於西明寺東廊

或竊注曰一雙前進士兩個阿孩兒

苗龍唐初人失名能畫龍人以苗龍呼之後得道仙去今

龍瑞宮東南一峯上平如砥相傳苗龍上昇處

苗昌裔為司天監相地西洛

氏姓譜

卷六十二

二蕭

苗氏

元

苗時中字子居其先自壺闕徙宿州以蔭主寧陵簿邑有古河久墮請開導以溉田為利甚博人稱苗公河調潞州司法參軍郡守欲入囚於死執不可守悟聽之熙寧中以司農丞使梓州交人犯邊擢廣西運副師次富良江久不進時中度賊必從間道來乘密遣備之既而果從上流來襲賊戰敗去遂納欵韓存寶討乞弟蠻糧道阻遠時中創為摺運法食以不乏遷兩階為發運副使存寶返邇不行促之不聽代者林廣諭乞弟降旋復逸去將士相視失色廣自分必死及暮刁斗不鳴時中說曰天子以十萬眾付公豈以一死為勇邪今入異境變且不測廣悟亟整軍以進時中以功遷直龍圖閣知桂州至戶部侍郎卒苗訓河中人善天文占候之術仕周為殿前散員指揮使從太祖北征視日下復有一日黑光摩盪久而不退指示



楚昭輔曰此天命也夕次陳橋六師推戴訓預白其事受  
禪擢爲翰林天文尋加銀青光祿大夫檢校工部尙書年  
七十餘卒

苗守信訓之子少習父業補司天歷算尋改主簿知算造  
太平興國中應天歷又差詔與冬官正吳昭素主簿劉丙  
真造新歷及成又命衛尉少卿元象宗同校定賜號乾元  
歷頗爲精密優賜束帛雍熙中遷冬官正端拱初改太子  
洗馬判監事淳化二年奏一歲首正月一日與每月八日  
三元日上帝及天地水府三官各下巡人世伺察善惡太  
歲日爲歲星之精人君之象并天赦上慶誕日皆不可斷  
刑未幾轉殿中丞權少監事賜金紫至道二年上心憂梁  
雍宿兵彌歲凶歉令宰相問天道咎證所在奏臣仰瞻元  
象及推驗太一經歷宮分其荆楚吳越交廣並皆安寧自

氏姓譜

卷六十二

蕭

苗氏

三

來五緯陵犯彗星見及水神太一臨井鬼之間屬秦雍分  
及梁益之地民罹其災水神太一來歲入燕分歲在房心  
正當京都之地自茲朝野有慶詔付史館明年真授少監  
咸平三年卒年四十六子舜卿國子博士

苗授字授之上黨人父京慶歷中守麟州抗元昊授少從  
胡瑗學補國子生以蔭至供備庫副使王韶取鎮洮授爲  
先鋒破香子城拔河府羌又破牛精谷取珂諾賊盡得河  
湫地擢知德順軍三遷西上閣門使鬼章寇河州授往戰  
克撒宗論功第一遂知州事以四方館使領營州刺史從  
燕達取銀州降木征獻京師加引進使果州團練涇原都  
鈐轄使契丹還神宗勞曰曩香子之役非汝以寡擊衆幾  
敗吾事命爲秦鳳副總管復知河州副李憲討生羌於露  
骨山斬首萬級獲冷雞朴羌族十萬七千帳內附威震洮



西拜昌州團練使龍神衛四廂都指揮徙知雄與熙州元豐西討授出古渭取定西蕩禹臧花麻諸族降戶五萬城蘭州遇賊於女遮谷登山逆戰敗退踰天都山凡師行百日轉鬪千里始入塞歷步軍副都指揮使威武軍節度觀察留後遇事持議不苟合初在德順或議城饑南授以地阻大河糧道不濟非萬全計卽止詔援高遵裕於靈武授條上進退利害甚切元祐三年遷武泰軍節度使殿前副都指揮使踰歲以保康節度使知潞州奉上升宮祠卒年六十七贈開府儀同三司諡莊敏

苗再成失其家世方文天祥自鎮江亡入真州再成知州事聞之出迎泣且喜曰兩淮雖敝足以興復特二闔小隙不能合縱耳天祥問計將安出再成曰今先約淮西兵趨建康彼必悉力以扞乃指揮淮東諸將以通秦兵攻灣頭

氏姓譜

卷六十二

二蕭

苗氏

三

以高郵寶應淮安兵攻揚子橋以揚州兵攻瓜步吾以舟師直擣鎮江同日大舉灣頭揚子橋皆沿江脆兵且日夜望我師之至攻之卽下使合攻瓜步之三面吾自江中一面薄之雖有智者不能爲之謀矣瓜步旣舉以東兵入京口西兵入金陵要浙歸路其大帥可坐致也天祥大稱善卽以書移二制置遣使四出約結會李庭芝疑阻不果行其年加再成濠州團練使有宗室趙孟錦爲揚州都統司參議官自少不羈再成倚以爲重四月元阿朮入侵孟錦每戰輒當其鋒時知淮安許文德知府賂張思聰知泗州劉興祖皆降再成帥兵大戰於老鸛嘴亦敗明年阿朮攻益急以重艦住江上孟錦乘大霧襲之頃之日高霧霽元人見其兵少逐之孟錦登舟失足溺水死城遂陷再成不屈而死



苗益知龍陽州洞寇侵掠人民飢饉益振濟保撫之如子民視之如父母後陞常德路總管

苗好謙武城人爲司農丞勤於職務著農桑輯要行于世官至河南江北行中書省參知政事

**明**

苗衷定遠人永樂中登進士第二擢翰林院編修屢典文衡預修實錄正統初用楊士奇薦爲經筵講官學術醇立士林推重歷陞兵部侍郎兼本院學士入內閣典機務進兵部尙書致仕卒年八十贈少保諡文康

苗繼臨巴人洪武進士按察使

苗敏學字以勤山西平定人嘉靖丁未進士

苗朝陽山西人萬歷七年由進士知杞縣爽邁不羣見事

氏姓譜

卷六十二

二蕭

苗氏

三

風生以均輸太濫乃裁去千餘金民力遂蘇邑中積食河東鹽賈人雜以硝磺不堪用民乃竊販海鹽營利公行劫奪禁止爲艱比擢禮科卽條罷河東而行海鹽至今賴之

歷代列女

苗夫人張延賞妻太宰苗晉卿之女也延賞累代台鉉每宴賓客選子婿莫有入意者苗夫人有鑑甚別英銳特選韋臬秀才曰此人之貴無以比儔旣以女妻之不二三歲以韋卽性度高廓不拘小節延賞稍悔之至不齒禮一門婢僕漸見輕怠惟苗氏待之常厚張氏垂泣謂延賞曰韋郎七尺之軀學兼文武豈有沉滯兒家爲尊卑見謂良時勝境何忍虛擲乎韋乃步辭東遊妻罄粧奩贈送延賞喜其往也盡以七駄物每之一驛則附遞一駄而還行經七驛所送之物盡歸之矣其所有者清河氏所贈粧奩及布



囊書策而曰延賞莫之測也後權隴右軍事會德宗行幸奉天西面之功獨居其上聖駕旋復之日白金吾持節西川以代延賞乃改易姓名以童作韓以舉作翽莫敢言之也至天迴驛去府城三十里有人特報延賞曰替相公者全吾韋皋將軍非韓翽也苗夫人曰若是韋皋必韋郎也延賞笑曰天下同姓名者何限彼韋生應以委棄溝壑豈能乘吾位乎婦女之言不足云爾苗夫人又曰韋郎比雖貧賤氣凌霄漢每以相公所談未嘗一言屈媚因而見尤成事立功必此人也來早入州方知不悞延賞憂惕莫敢瞻視曰吾不識人西門而出獨苗氏夫人無愧於韋郎賢哉章公侍奉外姑過於布素之時海內貴門不敢忽於貧賤之時所以郭圓詩曰宣父從周又適秦昔賢誰少出風塵當時甚訝張延賞不識韋皋是貴人

氏姓譜

卷六十二

二蕭

苗氏

三

苗夫人苗蕃母蕃少喪父受業於母登進士第韓愈爲作墓誌銘有云有行以爲本有文以爲華

苗氏開封人父繼宗母許氏先爲仁宗乳保及登位妃以容德入侍生雍王昉福康公主封仁壽郡君由才人昭容進位德妃育英宗於禁中命妃擁佑頗有恩踐阼酬其前勞加封貴妃贈父太師吳國公母陳楚二國夫人福康下嫁當貽恩外家抑不肯言元祐六年薨年六十九帝輟朝出奠發哀苑中諡曰昭節

苗氏秦州人適仲敦敦遘病謂苗曰我死汝少無子當爲終身計苗泣曰果若是惟隨地下矣未幾敦卒苗號泣仆地幾絕者數日至夜潛自縊於西園樹下結褵僅九十四日聞者悲之

苗氏婦時中妻通許人夫卒守節正德中旌表



苗氏王士美妻與王嘉謨妻趙氏俱河內人夫卒皆割股  
療姑疾

**要氏**

吳人要離之後音譽平聲望出魯陽

歷代名賢

**要**

要離不知何邑人闔廬既殺王僚憂其子慶忌之在隣國  
謀於伍員員曰臣之所厚其人者細人也願從於謀王曰  
敵有萬人之力豈細人之所能謀乎員曰其細人之謀事  
而有萬人之力也王曰爲何誰曰各要離臣嘗見辱壯士  
椒邱訢也王曰奈何曰椒邱訢者東海上人爲齊使於吳  
過淮津欲飲馬津吏曰水有神害馬君可勿飲也訢曰壯  
士所當何神敢干使從者飲馬神果取馬馬沒訢大怒袒

氏姓譜

卷六十三

一蕭

要氏

三

楊持劍入水求神決戰連日乃出眇其一目遂之吳會于  
友人之喪訢恃其勇辭不遜有陵人之氣要離與之對坐  
乃挫訢曰吾聞勇士之鬪也與日戰不後表與神鬼戰不  
旋踵與人戰不達聲生往死還不受其辱今子與神鬪亡  
馬失御又受眇病形殘各勇勇士所恥而猶徽色於我哉  
椒邱訢怒暝往攻要離要離至舍誠其妻曰我辱壯士椒  
邱訢餘恨蔚恚暝必來慎無閉門至夜訢果往其門不開  
堂不闔室不守放髮僵臥訢乃手劍而挫要離曰子有當  
死之過三子知之乎辱我於大家之衆一歸不闔閉二臥  
不守御三子有三死之過欲無得怨要離曰子有三不肖  
之愧子知之乎吾辱子於千人之衆子無敢報一入門不  
咳登堂無聲二拔劍掉頭乃敢大言三子有三不肖而威  
我豈不鄙哉於是椒邱訢拔劍而歎曰吾之勇人莫敢皆



占者離乃加吾之上臣聞要離若斯誠以聞矣王曰願承  
宴而待焉員乃見要離要離曰臣國東千里之人也臣無  
力迎風則僵負風則伏王有命敢不盡力王心非之良久  
不言要離進曰王患慶忌乎臣能殺之王曰慶忌骨騰肉  
飛拊膝數百里吾嘗追之於江駟馬不及射之間接矢不  
可中子之力不如也要離曰王有意焉臣能殺之臣詐以  
負罪出奔願王戮臣妻子斷臣右手慶忌必信臣矣要離  
乃詐得罪出奔吳王取其妻子焚棄於市要離遂如衛求  
見慶忌慶忌信之後三月揀士卒伐吳將渡江要離力微  
坐與上風因風勢以矛鈞其袍履風而刺慶忌忌顧而揮  
之三摔其頭於水中乃加於膝上嘻勇士也乃敢加兵於  
我左右欲殺之慶忌曰豈可一日殺天下勇士二人哉令  
還吳以旌其忠慶忌死要離渡江至江陵愍然不行曰殺

氏姓譜

卷六十一

二蕭 要氏

三

要

要珍朔方大將軍

元

要忽難至元中爲監郡築城以備不虞保民以安其業至  
今郡民感之

明

要聚剛醇縣人永樂貢士

要綏成安人成化中女爲憲廟妃拜光祿署正

要發南和人正德中涇陽縣知縣



楚辭云昭屈景楚之三族也

歷代名賢

昭忌事魏昭王昭王時秦攻韓之管昭王發兵救之忌曰夫秦強國也而韓魏壞秦不出攻則已出攻非韓必魏也今幸而於韓此魏之福也王若救之夫解攻者必韓之管致攻者必魏之梁也王不聽曰不救韓韓西合於秦秦韓爲一則魏危遂救之秦果釋管而攻魏王大恐謂忌曰不用子之言而禍至奈何忌乃爲之見秦王曰臣聞明王之聽也不以挾私爲政是參行也願王無攻魏秦王曰何也曰山東之從時合時離何也秦王曰不識也曰天下之合以王之不必也其離也以王之必也今攻韓之管國危矣

氏姓譜

卷六十二

二蕭

昭氏

三

未卒而移兵於梁合天下之從無精於此者矣以爲秦之求索必不可支也故爲王計不如制趙制趙則燕不敢不事秦荆濟不能獨從天下爭敵於秦則弱矣秦王乃止昭奚恤宣王之相也宣王十六年魏攻趙邯鄲奚恤謂王曰王不如無救趙而以強魏魏強其割趙必深矣趙不能聽則必堅守是兩敵也奚恤與江乙相惡江乙爲魏使于楚謂王曰臣入境聞楚之俗不蔽人之善不言人之惡誠有之乎王曰有之乙曰然則白公之亂得無遂乎誠如是臣等之罪免矣王曰何也乙曰州侯相楚貴甚矣而主斷左右俱曰無有如出一口矣王問羣臣曰吾聞北方之畏昭奚恤也果誠何如羣臣莫對乙對曰虎求百獸而食之得狐狐曰子無敢食我也天帝使我長百獸今子食我是逆天帝命也子以爲不信吾先行子隨我後觀百獸之見



我而敢不走乎虎以爲然遂與之行獸見之皆走虎不知獸畏已而走也以爲畏狐也今王之地方五千壘帶甲百萬而專屬之昭奚恤故北方之畏奚恤其實畏王之甲兵也乙又謂王曰人有以其狗爲有執而愛之其狗嘗溺井其隣人見狗之溺井也欲入言之狗惡之當門而噬之鄰人憚之遂不得入言邯鄲之難楚進兵大梁取矣昭奚恤取魏之寶器臣居魏知之故昭奚恤嘗惡臣之見王乙又謂王曰下比周則上危下分爭則上安王亦知之乎且人有好揚人之善者于王何如王曰君子也近之乙曰有好揚人之惡者于王何如王曰小人也遠之乙曰然則且有子殺其父臣弑其主者而王終已不知者何也以王好聞人之美惡聞人之惡也王曰善寡人願兩聞之昭奚恤與彭城君議於王前王召江乙而問焉乙曰二人之言皆善

氏姓譜

卷六十一

二蕭

昭氏

七

也臣不敢言其後此謂慮賢也江尹欲惡昭奚恤于王而力不能故爲梁山陽君請封於楚王曰諾奚恤曰山陽君無功於楚國不當封江尹因得山陽君與之共惡昭奚恤於王王告奚恤奚恤曰臣朝夕以事聽命而魏入吾君臣之間臣大懼臣非畏魏也夫泄吾君臣之交而天下信之是其爲人也近苦矣夫苟不難爲之外豈忘爲之內乎臣之得罪無日矣王曰寡人知之大夫何患郢人有獄三年不決者故令人請其宅以卜其罪客因請之奚恤曰郢人某氏之宅臣願之奚恤曰郢人某氏不當服罪故其宅不得客辭而去奚恤已而悔之謂客曰奚恤得事公公何爲以故與奚恤客曰非用故也曰請而不得有說色非故何也

昭陽懷王之令尹也懷王六年使昭陽伐魏得八城移兵



而政齊陳軫說之曰戰無不勝而不知止者身且死爵且後歸昭陽以爲然解軍而去十一年韓趙魏燕齊約以伐秦昭陽謂王曰五國已破秦必南圖王曰然則奈何對曰韓氏韓國也好利而惡難好利可營也惡難可懼也我厚略之以利其心必營我悉兵以臨之其心必懼彼懼吾兵而營我利五國之事必可敗也約絕之後雖勿與地可王曰善乃命大公事之韓見公仲曰夫牛闌之事馬陵之難親主之所見也王苟無以五國用兵請効列城五請悉楚國之衆以圖於齊齊人反趙魏之後而楚果弗與地五國伐秦魏欲和使惠施之楚楚將入之秦而使行和杜赫謂昭陽曰凡爲伐秦者楚也今施以魏來而公入之秦是明楚之伐而信魏之和也公不如無聽惠施而陰使人以請聽秦昭陽曰善因謂惠施曰凡爲攻秦者魏也今子從楚

氏姓譜

卷六十二

二蕭

昭氏

三

爲和楚得其利魏受其怨子歸吾將使人因魏而和惠施反魏王不悅杜赫謂昭陽曰魏爲子先戰折兵之半諂病不聽詰和不得魏折而入齊秦子何以救之東有越累北無晉而交未定於齊秦是楚孤也不如速和昭陽曰善因令人謁和於魏昭唯懷王時人張儀復相秦謂昭唯曰楚無郢鄢漢中有所更得乎曰無有曰無昭過陳軫有所更得乎曰無所更得張儀曰爲儀謂楚王逐昭過陳軫請復鄢郢漢中昭唯歸報懷王懷王說之有人謂昭過曰甚矣楚王不察于爭名者也韓求相工陳藉而周不聽魏求相綦毋恢而周不聽何也周曰是列縣畜我也今楚萬乘之強國也大王天下之賢王也今儀曰逐君與陳軫而王聽之是楚自待不如周而儀重于韓魏之王也且儀之所行有功名者秦也



所欲富貴者魏也欲爲攻於魏必南伐楚故攻有道外絕其交內逐其謀臣陳軫夏人也習于三晉之事故逐之則楚無謀臣矣今君能用楚之衆故亦逐之則楚衆不用矣此所謂內攻之者也而王不知察今君何不見臣於王請爲王使齊交不絕儀聞之其効鄢郢漢中必緩矣是昭雎之言不信也王必獲之王又令昭雎之秦重張儀未至惠王死武王逐張儀王因收昭雎以取齊桓臧爲雎謂王曰從親之不合也儀貴惠王而善雎也今惠王死武王立儀走公孫郝甘茂貴甘茂善魏公孫郝善韓二人固不善雎也必以秦合韓魏韓魏之重儀儀有秦而雎以楚重之今儀困秦而雎收楚韓魏欲得秦必善二人二人者將收韓魏輕儀而伐楚方城必危王不如復雎而重儀於韓魏儀據楚勢挾魏重以與秦爭魏不合秦王亦不從則方城無

氏姓譜

卷六十一

二肅

昭氏

元

惠二十八年秦齊韓魏共伐楚楚令昭雎將以距秦王欲擊秦昭雎不欲桓臧爲昭雎謂王曰雎戰勝三國惡楚之強也恐秦之變而聽楚也必深攻楚以勁秦秦王怒于戰不勝必悉起而擊楚是王與秦相罷而以利三國也戰不勝秦秦進兵而攻不如益昭雎之兵令之示秦必戰秦王惡與楚相敵而令天下利秦可以少割而收害也秦楚合而燕趙魏不敢不聽三國可定也齊秦約攻楚楚令景翠以六城賂齊太子爲質昭雎謂景翠曰秦恐且因景鯉蘇厲而効地於楚公出地以取齊鯉與厲且以收地取秦公事必敗公不如令王重賂景鯉蘇厲使入秦秦恐必不求地而合於楚若齊不求是公與約也秦術視伐楚楚令昭鼠以十萬軍漢中昭雎勝秦於重邱三十年秦昭王遣王書願與王會武關面相約結盟而去王患之欲往恐見欺



無往恐秦怒睢曰王毋行發兵自守耳秦虎狼不可信有  
并諸侯之心王子子蘭勸王行於是往會秦至則閉武關  
遂與西至咸陽王悔不用睢言秦因留王要以割巫黔中  
之郡楚大臣相與謀曰吾王在秦不得還而太子質於齊  
齊秦合謀則楚無國矣欲立懷王子在國者睢曰王與太  
子俱困於諸侯而又倍王命立庶子不宜乃計赴於齊齊  
歸楚太子太子橫至立爲王是爲頃襄王乃告於齊曰賴  
社稷神靈國有王矣

昭常爲頃襄王司馬典主東地

昭蓋楚臣薛公歸太子橫因與韓魏之兵隨而攻東國太  
子懼昭蓋曰不若令屈署以東國爲和於齊以動秦秦恐  
齊之敗東國而令行于天下也必將救我太子曰善遽令  
屈署以東國爲和於齊秦王聞之懼令芊戎告楚曰毋與  
氏姓譜 卷六十二 二蕭 昭氏

齊東國吾與子出兵矣

昭普廬陵人

昭肅英州參軍

昭迥眉州人元祐進士

歷代列女

昭氏婦楚野辯女也鄭簡公使大夫聘于荆至于狹路有  
一婦人乘車與大夫穀擊而折大夫車軸大夫怒將執而  
鞭之婦人曰君子不遷怒不二過今于狹路之中妾避之  
已極矣而子大夫之僕不肯少引是以敗子大夫之車而  
反執妾豈不遷怒哉旣不怒僕而反怨妾豈不貳過哉

昭氏



晋步招之後以名爲氏望出南海

歷代名賢

招猛南海人元初中官至大鴻臚善於其職動無違禮四夷重譯凡至容臺肆儀行事猛舉詔眎之悉慝其情

招匡潮陽人永樂舉人

招文遠南海人正統中光澤縣學訓導

招于莘廣樂人正德中融縣知縣

招宗廣廣樂人嘉靖間蕪湖縣知縣

招孟賢廣樂人隆慶間蘇州府通判

歷代列女

招囊猛雲南孟璉長官司土官舍人刁派羅妻也年二十

氏姓譜

卷六十一

二蕭

招氏

四

五夫死守節二十八年宏治六年九月雲南都指揮使奏其事帝曰朕以天下爲家方思勵名教以變夷俗其有趨於禮義者烏可不亟加獎勵招囊猛貞節可嘉其卽令有司顯其門閭使遠夷益知向化無俟覈報

搖氏

似姓東越王勾踐裔孫搖之後以王父名爲氏望出會稽

稽

歷代名賢

搖丹餘功臣封海陽侯

搖昌南平人永樂中句容縣學教諭

僚氏



宋侍人宜僚之後

歷代名賢

僚安普楊氏大夫

僚祖魯寺人

聊氏

見姓苑望出潁川

歷代名賢

漢

聊蒼侍中著書號聊子

聊廣園洛下人

聊謀潁川太守著萬姓譜

宋

氏姓譜

卷六十二

蕭

聊氏至

四

聊世能太中大夫

明

聊讓蘭州人肅府儀衛司餘丁也好學有志尚明習時務景帝嗣位懲王振蒙蔽大闢言路吏民皆得上書言事景奉元年六月讓詣闕陳數事其畧曰邇歲土木繁興異端盛起番僧絡繹釋污吏縱橫相臣不正其非御史不劾其罪上下蒙蔽民生凋瘵狡寇犯邊上皇播越陛下枕戈嘗膽之秋可不拔賢舉能一新政治乎昔宗岳為將敵國不敢呼名韓范鎮邊西賊聞之破膽司馬光居相位強隣戒勿犯邊今文武大臣之有威名德望者宜使典樞要且延訪智術才能之士布滿朝廷則也先必畏服而上皇可指日還矣大臣陽也宦寺陰也君子陽也小人陰也近日食虀震陰盛陽微謫見天地望陛下總攬乾綱抑宦寺使不得



預政過小人俾不得居位則陰陽順而天變弭矣天下治  
亂在君心邪正田獵是娛官室是侈宦寺是狎三者有一  
足蠱君心願陛下涵養克怡多接賢士大夫少親宦官  
妾自能草奢靡戒遊佚而心無不正矣堯立謗木恐人不  
言所以聖秦除諛法恐人議已所以亡陛下廣從諫之量  
旌直言之臣則國家利弊間闢休戚臣下無所顧忌而言  
無不盡矣蘇子曰平居無犯顏敢諫之臣則臨難必無仗  
節死義之士願陛下下恒念是言而審察之書奏帝頗嘉納  
之後四年讓登進士官知縣卒

贈珠越雋衛人正德中任湖口縣教諭

趙氏

見元和姓纂

歷代名賢

氏姓譜 卷六十一

二蕭

趙氏至 三

趙喜太僕

宋

趙必焜綿州人紹定進士

明

趙童永樂中贛州衛千戶

趙華宜黃人正德中任衛經歷

冢氏

見姓譜

歷代名賢

明

廖貴鄖西人天順間永春縣丞

廖得聞中人宏治舉人



貂氏

見姓苑

歷代各賢

周

貂勃齊人常惡田單曰安平君小人也田單聞之故爲酒而召勃曰單何以得罪於先生故常見譽於朝勃曰跽之狗吠堯非貴匹而賤堯狗固吠非其主也且今使公孫子賢而徐子不肖然而公孫子與徐子鬪徐子之狗猶將攫公孫子之腓而噬之也若乃得去不肖者而爲賢者狗豈特攫其腓而噬之哉田單曰敬聞命明日任之於王王有所幸臣九人之屬欲傷田單相與語於王曰燕伐齊之時楚王使將軍將萬人而佐齊今國已定而社稷安何不使使者謝於楚王曰左右孰可曰貂勃可勃使楚楚王受而

氏姓譜

卷六十一

蕭

貂氏

四

觴之數日不反九人之屬相與語於王曰夫一人之身而牽留萬乘者豈不以據勢也哉且安平君之與王也君臣無禮上下無別且內收百姓循撫其心振窮補不足布德於民外懷戎翟天下之賢士陰結諸侯之雄俊豪英其志欲有爲也願王察之異日王曰召相單來田單免冠徒跣肉袒而進退而請死罪五日王曰子無罪子爲子之臣禮吾爲吾之王禮而已矣勃從楚來王賜諸前酒酣王曰召相單來勃避席稽首曰王惡得此亡國之言乎王上者孰與周文王王曰吾不若也勃曰下者孰與齊桓公王曰吾不若也然則周文王得呂望以爲太公桓公得夷吾以爲仲父今王得安平君而曰單且自天地之闢民人之治爲人臣之功誰有厚于安平君者哉而王曰單單惡得此亡國之言乎且王不能守社稷燕人興師襲齊墟下丸而之



城陽之山中安平君以備備之卽墨三里之城五里之郭  
徹卒七千禽其司馬而反千里之齊安平君之功也當是  
時闔城陽而王天下莫之能止然而計之於道歸之於義  
以爲不可故爲棧道木閣迎王與后于城陽山中王乃得  
反子臨百姓今國已定民已安矣王乃曰單單且嬰兒之  
計不爲此王不亟殺此九子者以謝安平君國危矣王乃  
殺九子而逐其家益封田單以夜邑萬戶

鄒氏

太原趙大夫食采深澤鄒邑因氏焉又望出鉅鹿

歷代名賢

鄒單字子家山東東昌府人孔子弟子後封聊城侯

漢氏

氏姓譜

卷六十二

二蕭

鄒氏至望

見姓苑

歷代名賢

明

堯或成化間以副總兵征松茂謀勇過人嘗督軍士搜羅  
山寨夷人遠遁迄今威望尙存

離氏

見姓苑

歷代名賢

離延年功臣封臧馬康侯

私氏

見姓苑

歷代名賢



**明** 飄雄太和人正德中長陽縣典史

**條氏**

見姓苑左傳殷賢人七族有條氏有司空條枚者安定人姓纂云今寃句有此姓寃句曹州也

**釗氏**

見姓苑

歷代名賢

**明**

釗劍佩三河人萬歷間廣西梧州衛指揮

**么氏**

見姓苑俗作么

歷代名賢

**氏姓譜**

卷六十三

二蕭

釗氏至

吳

**明**

么謙湯陰人宏治中任通州學訓導

么桓真定府定州人嘉靖中直隸無錫縣丞

**稍氏**

見姓譜

歷代名賢

**明**

稍騰漢安定人正德中任知州

**椒氏**

見姓苑椒春秋楚邑名椒舉以邑為姓又楚伍參之後或為伍氏或為椒氏

歷代名賢

**周**



椒舉楚大夫楚靈王使舉來聘且求諸侯

椒歐天各人

朝氏

音昭姓氏急就篇朝氏蔡大夫朝吳聲子之後唐日本  
人朝衡漢龜錯亦作朝詳龜姓內

歷代名賢

南北

朝景奩撰野人閑話六卷

唐

朝衛官拾遺

宋

朝思誠宣和四年任湖州刺史

氏姓譜

卷六十二

二蕭

朝氏至

昭

朝祖合肥人洪武中任洛陽訓導

朝泰言曹州人正德中任永豐縣丞

韶氏

州名見姓苑望出太原今開封有此姓

歷代名賢

晉

韶石為中牟令有惠政

明

韶護岐山人洪武二十九年自戶部主事遷崑山縣勤恪  
敏達事無凝滯歷陞按察僉事

裔氏

東越王裔勾踐之後



歷代名賢

徭倭漢更始將鎮淮陽

腰氏

河南尉氏縣有腰氏

僑氏

黃帝孫僑極之後

遼氏

何氏姓苑有遼氏

蛸氏

子姓卽蕭氏齊武帝以巴東王子響叛逆改爲蛸氏

臯氏

隋煬帝誅楊元感改其姓爲臯氏

氏姓譜

卷六十一

二蕭

腰氏至

臯

調氏

見姓苑周禮有調人其後氏焉

囂氏

元囂之後世本云亦作楊

朝氏

音朝類篇姓也

下平聲

包氏

望出丹陽申氏楚大夫申包胥之後以字爲氏漢有包

咸隋包愷唐包融二子何佶宋包拯

歷代名賢

漢

包咸字子良會稽曲阿人也少爲諸生受業長安師事博



士右師細君習魯詩論語王莽未去歸鄉里於東海界爲赤眉賊所得遂見拘執十餘日咸晨夜誦經自若賊異而遣之因往東海立精舍講授光武卽位乃歸鄉里太守黃謙署戶曹史欲召咸入授其子咸曰禮有來學而無往教謙遂遣子師之舉孝廉除郎中建武中入授皇太子論語又爲其章句拜諫議大夫傳中右中郎將永平五年遷大鴻臚每進見錫以几杖入屏不趨贊事不名經傳有疑輒遣小黃門就舍卽問顯宗以咸有師傳恩而素清苦常特賞賜珍玩束帛奉祿增於諸卿咸皆散與諸生之貧者病篤帝親輦駕臨視八年七十一卒于官子福拜郎中亦以論語入授和帝

**隋**

包愷字和樂東海人其兄愉明五經愷悉傳其業又從王

氏姓譜

卷六十一

三希

包氏

兗

仲通受史記漢書尤稱精究大業中爲國子助教於時漢書學者以蕭該包愷二人爲宗匠聚徒教授著錄者數千人幸門人爲起墳立碣焉

**唐**

包佺字幼正潤州延陵人父融集賢院學士與賀知章張旭張若虛有名當時號吳中四士佺擢進士第累官諫議大夫坐善元載貶嶺南劉晏奏起爲汴東兩稅使晏罷以佺充諸道鹽鐵輕貨錢物使遷刑部侍郎改秘書監封丹陽郡公

**宋**

包拯字希仁廬州合肥人登進士除大理評事知建昌縣以親老監和州稅解官歸養親亡廬墓終喪調知長縣有告盜割其牛舌拯曰第歸殺而鬻之俄有告私殺牛者



詰曰汝何爲割牛舌而又告之盜驚服徙知瑞州州歲貢  
硯石前守緣貢率倍取以遺權貴拯命纔足貢數歲滿不  
持一硯還拜御史裏行除監察御史論國家歲賂契丹非  
禦戎上策宜練兵選將務實邊備又請重門下封駁之任  
及廢緇賦吏選用守宰行考試蔭子之法時諸道轉運加  
按察使其奏劾官吏多撫細故務苛察吏不自安拯請罷  
之遣使契丹典客問雄州新開便門欲誘我叛人刺疆事  
邪拯曰刺疆事何必便門况涿州亦常開門矣典客諸塞  
久之歷三司戶部判官工部員外郎直集賢院出更京東  
陝西轉運使初秦隴斜谷務造船材木十萬又七州河橋  
竹索數十萬率課於民拯悉奏罷之進戶部副使與御史  
張擇行使河北調發軍食建議議河北兵多財之願分食內  
地又言漳河沃壤人不得耕邢洛趙三州民田萬頃荒爲

氏姓譜

卷六十一

三

包氏

五

牧地悉請以予民解州鹽法病請往經度通商還除天章  
閣待制知諫院數論斥權倖大臣請罷一切內降曲恩列  
上唐魏徵三疏願置之座右以爲龜鑒別條七事請明聽  
納辨明黨惜人才去刻薄抑僥倖戒興作不主先入之說  
朝廷多施行之立朝方嚴剛毅貴戚宦官爲之斂手人至  
以其笑比黃河清尋除龍圖閣直學士河北都轉運使請  
分河北屯兵就食河南充鄆齊濮曹濟諸郡不報徙知瀛  
州諸州以公錢貿易積歲所負十餘萬悉奏除之以喪子  
乞便郡知揚州徙廬州入爲刑部郎中權知開封日開重  
門凡訟牒得徑造庭下陳曲直毫髮不能欺童穉婦女皆  
知其名呼曰包待制京師爲之語曰關節不到有閻羅包  
老會大水拯奏勢豪多築園榭侵惠民河致水淤塞悉令  
毀去嘉祐三年遷諫議大夫權御史中丞請立東宮帝問



卿欲誰立拯曰臣不才備位憲職所請爲宗廟萬世計陛下問欲誰立是疑臣也臣年近七十且無子非邀福者帝笑曰徐當議之又請裁抑內侍減節冗費條責諸路監司御史府選舉屬官事皆施行張方平爲三司使坐買豪民產拯劾罷之代以宋祁拯又劾祁在蜀燕飲過度併罷祁之田而奪之牛者拯乃臥家不出帝命促之在任凡諸筦庫供上物舊科率外郡者特爲置場和市民得無擾吏負錢帛繚繫并械妻子者皆奏釋之六年拜給事中樞密副使轉禮部侍郎卒年六十四贈禮部尚書謚孝肅拯天性峭直不能爲辭色以悅人雖甚嫉惡而未嘗不推以忠恕故人無怨者平居無私書故人親黨絕跡仕已通顯服食器用無異韋布時嘗曰後世子孫仕宦有犯賍者不得放

氏姓譜

卷六十二

三看

包氏

五

歸本家死不得葬大塋中不從吾志非吾子若孫也子纘早亡妻崔氏守節拯嘗出其媵在母家生子纘死崔氏取媵子歸撫之名曰纘以奉拯祀有奏議十五卷

包真人遇異人授以至道且囑曰麻峯洞天汝得道飛昇之地也至進賢麻姑觀遂居之自稱包道者與白玉蟾會龍井上論金丹火符真人貽以詩有待吾了却人間事然後相從面紫羅之句嘗照水以泥塑像謂觀主曰類我否曰然歲早命羣兒迎取龍泉水澆之雨沛至一夕觀中異香襲人天樂作觀主驚異起視真人已騰雲而去後遇早迎真人像以龍井水澆之卽雨

包恢字宏父建昌人父楊世父約從父遜皆從朱熹陸九淵學恢少講大學出言高明諸父驚異登嘉定進士調金谿光澤二簿克平寇亂建寧守袁甫薦爲府學教授監虎



異軍募土豪討唐石寇授掌故改沿海制置司幹官會歲  
飢盜起金壇溧陽之間恢部諸將爲十誅耨之辟制司陳  
譚主管機宜文字改差發運幹官安撫陳瑄檄捕寇乎之  
遷武學諭宗正寺簿通判台州又從徐鹿卿討溫寇改判  
臨安遷知台州有妖僧居山中爲姦利捕誅之進左司郎  
官福建提點刑獄兼知建寧化閩俗淫祠兼轉運判官以  
御史周坦論罷光州布衣陳景夏上書稱恢剛正不屈言  
者汙之起爲廣東運判權經畧使遷侍右郎官大理少卿  
直顯文閣提點浙西刑獄荻浦鹽寇爲亂單車就道調許  
激二浦分屯建岩討平之懲嘉興吏因和糴受賕至斷其  
手進直龍圖閣權發運升秘閣修撰知隆興府兼江西湖  
南轉運沈妖妓於水化爲狐景定初拜大理卿樞密都承  
旨兼侍講權禮部侍郎尋爲中書舍人林希逸薦其守法

氏姓譜

卷六十一

三希

包氏

五十一

奉公心常如水改刑部侍郎知常州進華文閣直學士知  
平江兼發運使轉紹興度宗甚敬之比爲二程卽位召爲  
刑部尚書進端明殿學士簽書樞密院事封南城縣侯郊  
祀禮成以資政殿學士致仕恢歷任所至破豪猾去姦吏  
治蠱獄蘇鹽課理銀逋政聲赫然每經筵奏對誠實懇惻  
至身心之要未嘗不從容諄至嘗因輪對言陛下惻隱之  
心如天地日月閉而蝕之者近習外戚耳參政董槐歎曰  
吾等有慙色矣他日講官稱其言論剴切願賜容納理宗  
欣然曰朕何嘗怒之性尤孝謹侍其父疾滌灌掃除之役  
不命僮僕臨終舉盧懷慎臥簣窮約事戒諸子歛以深衣  
作書別親戚卒年八十有七有光隕地遺表聞帝輟朝贈  
少保諡文肅贈銀絹五百

包天麟字仁甫江陰人咸淳間舉博學宏詞科嘗註詩書



易春秋年八十三手不釋卷二子植樓俱登科

包整涇縣人少嗜學好義家貯書爲萬卷堂子三人秦明迪功郎秦亨解元秦南劍州劍浦縣丞兄弟義聚八十餘年有靈芝產其堂人各其堂曰芝堂

包瑜字希賢由舉人任教諭致政歸淮王幣聘修書一時知遇進講便殿賜坐所著通鑑事類一百二十一卷左傳事類四十卷王閱之甚喜遂梓行于世居七年告歸投老林下撰韻府續編一百二十三卷春秋講義周易衍義讀史六事讀書備忘稽古齋集諸書藏于家

包鼎宣州人以畫虎名家

包有輝字實夫浮梁人爲岳州刑獄掾居官廉慎門無私謁尤能體恤獄囚時人稱爲包大堂

氏姓譜

卷六十一

三希

包氏

五

包長壽臨洮府第五將突門族人襲父永本族都管伐宋充緋翽翽軍千戶取床川寨及祐州宕昌辛城予以功進官二階貞祐初夏人攻會州充統軍使署征行萬戶升副統與夏人戰於窄土峽先登陷陣賞銀五十兩戰東關堡以功置都統兼充安定定西保川西寧軍馬都彈壓錄前後功遙授隴州防禦同知世襲本族都巡檢三年與包世顯包疙疸俱賜姓烏古論氏夏人圍臨洮扼渭堡內外不通統軍司令偵候消息馘二人禽一人問得臨洮及夏兵事勢以勞遷宣武將軍遙授通遠軍節度副使招降諸蕃族及熟羊寨還秦州逋亡者遷懷遠大將軍升提控興定元年夏人大入隴西長壽相戰遷平涼府治中充宣差鞏州規措官三爲鳳翔臨洮府通遠軍同知二年與提控洮州刺史納蘭記僧分兵伐宋長壽由鹽州鎮進宋人守成



者走保馬頭山合諸部族兵來拒長壽擊敗之復破其援  
兵四千於荔川寨卽趨岩昌縣破宋兵二千於八斜谷遂  
拔岩昌進攻西和先敗其州兵明日木波兵三千與宋兵  
合依川爲陣長壽奮擊宋兵入保城壁不出乃還凡斬馘  
八千獲馬二百餘牛羊三萬器械軍實甚多記僧出洮州  
鐵城堡屢敗宋人完軍而還詔賞鳳翔秦鞏將士遙授長  
壽隴安軍節度使頃之升總領都提控改通遠軍節度使  
夏人攻定西時弟世顯已降夏人執至城下詔長壽曰若  
不速降卽殺汝弟長壽不顧奮戰夏兵退加榮祿大夫賜  
金及重幣併釋世顯二子公政重壽免其緣坐詔長壽曰  
汝久在戎行盡忠國事世顯之降必不得已汝永念國恩  
益思自效未幾夏人復攻會州移兵臨洮長壽伏精兵五  
千於定西險要間敗敵三萬騎殺千餘人獲馬數百夏人

氏姓譜

卷六十一

三肴

包氏

壽

已破西寧復犯定西因擊却之斬首三百級旣而三萬騎  
復至攻城甚急長壽乘城拒戰矢石如雨夏兵死者數千  
被剝者衆乃解去是歲卒

元

包廷藻字文淑號南澗幼穎異及長銳然尙友古人性嗜  
酒雖百觴不亂當酣適時岸巾獨坐高歌八韻又無機心  
四方來從者肺腑相示至元丙子二月十二卒壽七十二  
卒時危坐賦詩有脫胎換骨之句

明

李

包見捷雲南臨安衛人萬歷十七年進士改庶吉士授戶  
科給事中屢遷都給事中奸人李本立請採珠廣東帝命  
中官李敬偕往見捷極言其害不聽時小人蠶起言利千  
戶李仁請稅湖口商舟命中官李道往主簿田應璧請賣



兩淮沒官餘鹽令稅使魯保兼理見捷等並力爭頃之令道保節制有司見捷又陳不便者數事皆不報益都知縣吳宗堯劾稅使陳增不法見捷因請盡罷礦稅無已先撤增還未幾天津稅使王朝死見捷請勿遣代忤旨切責以馬堂代朝見捷又劾堂保及浙江劉忠帝不納益遣高棗暨祿李鳳權稅於京口儀真廣東並專敕行事又以奸人闢大經言命高淮徵稅遼東見捷等累請停罷至是言遼左神京肩臂視他鎮尤重奸徒敢爲禍首陛下不懲以三尺急罷開採則遼事必不可爲而國步且隨之矣遼東撫按及山海主事吳鍾英相繼爭皆不納時中外爭礦稅者無慮百十疏見捷言尤數帝心銜之居數日又率司官極論乃謫見捷貴州布政司都事餘停俸一年大學士沈一貫給事中趙完璧等先後論救完璧等亦坐停俸見捷尋

氏姓譜

卷六十一

三看

包氏

五

引疾去三十四年起興業知縣累遷太僕少卿久之以右僉都御史巡撫江西光宗卽位召拜吏部右侍郎尋卒官包實夫進賢人洪武中授徒數十里外途遇虎銜衣入林中釋而蹲實夫拜請曰吾被食命也如父母失養何虎卽舍去後人各其地爲拜虎岡

包鼎字汝調嘉興人與弟御史鼎並舉進士鼎授兵部主事歷陞郎中乞改南部俱有聲績出知池州府爲政務大體不事煩苛號爲清簡郡中大治年未至遽乞休不問家產日與呂太常遊歷山水爲雅會鼎子太學生早逝婦楊著奇節生二子曰節曰孝俱御史有介直聲

包節字元達先世嘉興人其父始遷華亭節祖鼎池州知府爲治清簡早歲乞休爲鄉邑所重節生五歲而孤母躬教育之登嘉靖十一年進士授東昌推官入爲御史劾兵



部尚書張璠貪穢出按雲南時仕者以荒微憚不欲往因設告就遠方之法節言此曹志甘投荒非年迫衰遲則家貧急祿志在爲己豈在恤民滇中長吏所以多不得人也請自今以附近選人充之而州縣佐貳始用此曹庶吏治可舉吏部請以節言概行于雲貴兩廣制可以疾歸起故官再按湖廣顯陵守備中官廖斌擅威福節欲繩之語先洩斌俟節謁陵時故獻膳羞遠使撤去詭稱節麾去之鍾祥民王憲告斌黨庇奸豪周章等節捕章斃之杖下斌益怒遂奏節不以正旦謁陵次日始謁時當進膳不旁立襲慢大不敬奏已入節始奏斌前事帝大怒以節抵罪逮詣諸獄榜掠永成莊浪衛莊浪極邊敗屋頽垣節處之甚安獨念其母自傷不克終養日飲泣母訃至晝夜哭已又聞弟孝卒撫膺曰誰代吾奉祀者哭益悲病死遺言以哀經

氏姓譜

卷六十一

三希

包氏

五

殮孝字元愛後節三年成進士由中書舍人爲南京御史疏論禮部尚書溫仁和主辛丑會試有奸弊且劾庶子童承叙贊善郜希顏編修袁煒帝皆不問尋又劾巡撫孫禴吳瀚瀚罷去孝兄弟分居南北臺並著風采又皆有至情節官北不得養母孝遂以侍養歸母亡哀毀骨立未終喪卒節亦繼殯時並稱其孝

包希魯進賢人學問該博操行高潔門人受業必先德行而後文藝士習爲之一新稱之曰忠文先生所著有諾谷文集

包原明浙江臨海人宣德元年由舉人授南安縣學教諭學問淵深訓誨不倦時廟學頽壞有司政弗及原明捐資勸義修建一新職教事乃有政焉秩滿陞江西吉安教授包裕桂林人成化進士初任撫州推官仁恕公廉政無冤



獄時稱爲小包

包義民廣東合浦人宏治四年由進士爲令質直敦厚不飾邊幅里人爭訟溫語解之有冰蘖之聲陞廣信府同知包澤字民望鄞人宏治丙辰進士拜監察御史清戎陝西查理寧夏固原諸要害經畧整整及按湖廣疏執法奏罷藩臬不職者勒王府侵田歸之民有參將趙昇善權貴人嘗杖殺戍士奪民園舍澤按之悉如法澤天性孝友操行介潔一時爲各御史有東川政績十三卷

包宏字用夫希魯次子洪武初舉文學陳情乞養再以文學首舉辭不獲至京上問陰陽鬼神對稱旨奉使山西察苛政至洪洞縣官舍疾草大書壁曰學傳乎道統心貫乎一德功被乎天下言利乎後世此聖賢之學君子之事也書畢正衣冠端坐而逝有訥居文集六書補義各若干卷

氏姓譜

卷六十一

三有

包氏

七

包溥字民敬澤之弟也宏治庚戌進士授新泰知縣凡六年政成民安陞南京監察御史以風裁稱轉泉州知府公門如水庭無滯訟明年入覲卒于傳舍平生廉潔自持衣不統綺食不兼味做廬數間僻居委巷旣其死也囊無十金惟遺圖書數卷做衣數篋人稱包孝廉云

包沐字民新澤弟少受經學於澤旣冠爲郡諸生舉止端巖動以禮自閑春秋祀學宮同事者或少懈輒正色曰美祝先師奈何不敬尋授石埭訓導身率多士迪德振草陞汜水教授

包梧字子木澤之子生而穎異讀書過目輒不忘領嘉靖壬午鄉薦通判蘇州時織造中貴怙勢傲視故事判庭參梧獨長揖不屈諸額外取索裁卓殆盡心銜之誣奏逮詔獄論無爲州同知未幾移成都府通判尋陞漳州同知漳



瀕海盜藪長吏視爲汎常弗問梧特設奇鉤致捕繫株連不遺餘力人情殊不帖帖竟奪歸梧爲文率多奇詭雄俊自成一家有白崖集行于世

包裕字好問臨桂人成化戊戌進士由撫州推官徵授御史巡按貴州已出爲雲南按察僉事踰年遭喪歸復僉河南久之擢雲南按察副使會邊彝叛督兵討之有功錫以金襴所區畫地方事宜無事立異而遺利自廣滇人賴之從雲南移病歸日以詩酒自娛採山釣水登覽歌勢利紛華泊如也吳廷舉成鴈門寄詩贈之所著有拙菴稿

包鴻達秀水人萬歷庚戌進士授湘潭令邑苦馬政解運極弊難理鴻達才性敏贍立辦治多所建興以壯形勢暇則與邑中士大夫講論文藝民庶和樂稱爲仙吏嘗輯紀士錄述其治潭之條理云

氏姓譜

卷六十一

三有

包氏

五

包愉字成甫永樂初詔取富戶實京師疏愉名以進時年七十九長子珪願代父行幼子珏亦悲泣固請以代兄弟一門爭赴鄉里嘆服有司旌之

歷代列女

包氏宣平人蔡儼妻也正統中鄉寇作亂包從舅姑避難東巖巖破包被執給賊曰我有金銀藏巖穴中當往取之賊以爲然問至其所遂自投崖而死成化二年詔旌其門

包氏和州人高化寶妻也夫亡守節宣德中旌表

包氏名淑貞浦城人邱璫妻歸六載璫故氏年二十遺孤

廷梧甫二歲廷槐僅兩月相依爲命氏乃引刀割指以自

誓躬績維事舅姑以義方課子後育十孫四入庠序氏甘

苦茹淡不下堂者六十年王縣尹旌其節時貴贈以扁曰

閩閩綱常享年八十有三



包氏婦包曾義妻萬山人曾義客死氏養生送死貧而克  
孝節操凜然撫按旌門媳王氏孫媳陳氏俱少寡守志世  
稱包節婦焉

包氏婦包志妻也姓楊氏嘉興人志游太學卒于京遺二  
子節五歲孝二歲孺人日撫以泣二子感奮力學相繼舉  
進士官御史節以直道戍邊母日以忠得罪榮亦多矣釐  
居四十年受封時嘗一御命服而哀不自禁卽置不服  
包氏婦包文助妻也姓張氏鄞人名如隕夫亡守志始終  
如一曾孫澤溥聯舉科第爲御史

包氏劉進妻都勻府人進郡軍士溺水死包往求其屍得  
之負歸曰吾年二十二無子豈能再事人乎遂自經有司  
嘉其烈合葬之題旌

包氏顧縣人尹鏗妻年二十七歲鏗亡家甚貧氏傭女冠  
氏姓譜

卷六十一

三有

茅氏

五

度日族人私受財賄逼嫁不從撻之垂死終身不易壽八  
十四終

包氏女字孟貞山陰人許配高恩恩死包衰衣往吊不改  
其志年八十餘卒

茅氏

東宮商音周公之後也今濟州金鄉是其地子孫以國  
爲氏又有茅氏兄弟三人隱句曲山成仙去未知其爲  
茅國之裔或別有茅邑也又望出陳留晉陵

歷代名賢

周

茅濂字初成咸陽人博學深鑒知周室將衰不求仕進歎  
曰人生若流電於是師鬼谷先生受長生之術遂入華山  
修鍊秦始皇三十年九月庚子白日昇天先是邑人謠曰



神仙得者茅初成駕龍上昇入太清時下元洲戲赤城繼業而往在我盈帝若學之臘嘉平匏沉乃還已失老母所在但留麥飯于石上筮食之後血氣不衰入名山訪道不知所終

茅盈字叔申濛之子也遇異人得道漢初入句曲爲太元真君弟茅固茅震並二千石一時棄官從盈俱成地仙號三茅真君

茅焦齊客也秦王政九年太后與嫪毐亂事覺誅毐三族殺太后所生兩子遂遷太后于雍明年茅焦說秦王曰秦方以天下爲事而大王有遷母太后之名恐諸侯聞之由此倍秦也秦王乃迎太后于雍而入咸陽復居甘泉宮

**漢**

茅容字季偉陳留人嘗耕田遇雨與等輩避於樹下眾皆

氏姓譜

卷六十二

三肴 茅氏

六

夷踞相對容獨危坐愈恭郭泰行見之而奇其異遂與其語容因請寓宿旦日容殺雞爲饌泰謂爲已設既而供其母以草蔬與容共食泰起拜之曰卿賢乎哉猶減三牲之具以供賓客而鄉如此乃我友也因勸力學卒以成德

茅蘭梁孝王臣說王乘布車入闕

茅孟敏甌墮不顧勤學知名不應辟

**唐**

茅炳靈陳留人博學善詩大歷中登進士第

**宋**

茅相丹徒人慷慨有大志宋末急于用人以陸秀夫薦授兵部侍郎從之海上元兵勢逼同帝赴海死

茅荳全椒人仕爲貴池令民有兄弟訟田者草爲垂涕說同生連氣當相盡以恩義兄弟感泣而去其後草五子皆



取科第以文學顯

茅彙征字邦佑閩中人乾道四年解元淳熙進士

茅知至仙遊人操尚介潔不求聞達築廬隱於縣之西下

頻以六經教授鄉里蔡襄甚愛重之景祐中麗籍以德行

薦補州學教授有周詩義二十卷至性書三卷

茅信剛泰州人四世同居舉家百餘口每旦家長坐堂上

卑幼各以序立拱手聽命分任以事畢則復命其有意惰

者輒鞭辱之無有怨言雖祁寒盛暑亦如之州守霍仲順

聞于朝旌表其門曰四世孝義之門

明

茅坤字順甫歸安人嘉靖十七年進士歷知青陽丹徒二

縣母憂服闋遷禮部主事移吏部稽勲司坐累謫廣平通

判屢遷廣西兵備僉事轄府江道坤雅好談兵徭賊據鬼

氏姓譜

卷六十一

三希

茅氏

六一

子諸若殺陽朔令朝議大征總督應續以問坤坤曰大征

非兵十萬不可餉稱之今猝不能集而賊已據險爲備計

莫若鵬勦倭入殲其魁他部必讐謀自全此便計也續善

之悉以兵事委坤連破十七砦晉秩二等民立祠祀之遷

大名兵備副使總督楊博歎爲奇才特薦于朝爲忌者所

中追論其先任貪污狀落職歸時倭事方急胡宗憲延之

幕中與籌軍事奏請爲福建副使吏部持之乃已家人橫

于里爲巡按龐尙鵬所劾遂褫冠帶坤旣廢用心計治生

家大起年九十卒于萬歷二十九年坤善古文最心折唐

順之順之喜唐宋諸大家文所著文編唐宋人自韓柳歐

三蘇曾王八家外無所取故坤選入大家文鈔其書盛行

海內鄉里小生無不知茅鹿門者鹿門坤別號也

茅國縉坤冢子萬歷十九年知浙川縣氣度博大政尙簡



易以儒術飾吏治近古循吏

茅維字孝若坤少子也能詩與同郡臧懋循吳稼澄吳夢陽並稱四子嘗詣闕上書希得召見陳當世大事不報

茅成定遠人自和州從軍隸常遇春麾下克太平始授萬戶從定常州寧國進總管克衢州授副元帥守金華改太平興國翼元帥從克安慶援安豐戰鄱陽克武昌授武德衛千戶尋進指揮副使取贛州安陸襄陽秦州皆有功從徐達攻平江焚張士誠戰船築長圍困之達攻婁門士誠出兵戰成擊敗之突至外郭中必死贈東海郡公祀功臣

廟

茅大芳名誦以字行泰興人博學能詩文洪武中爲淮南學官召對稱旨擢秦府長史制詞以董仲舒爲言大芳益奮激盡心輔導額其堂曰希董方孝孺爲之記建文元年遷副都御史燕師起遺詩淮南守將梅殷辭意激烈聞者壯之燕王稱帝大芳與天策衛知事周璿竝見收不屈死而大芳子順童道壽俱論誅二孫死獄中

茅惟揚以字行慈谿人資性峭深有智計永樂乙未進士初拜監察御史臺中奏疏及諸讞獄當否皆出裁擇擢四川僉事轉河南副使四川按察使所至有廉名歸田之日囊無羨金

茅宰字治卿山陰人由進士嘉靖九年任六合知縣時年方二十有七老成持重卓有定見人不得窺其喜怒明敏果決有古循吏風陞刑部主事以疾卒

茅瓚字邦獻號見滄浙江錢塘人嘉靖十七年戊戌狀元及第仕至吏部侍郎

茅元儀字止生坤孫也少爲孤童雄傑異常年十歲吳興

氏姓譜

卷六十二

三有

茅氏

六一



禮太守集議振荒羣公囁嚅止生垂髫奮袖請盡傾困廩以振國人太守歎異曰魯子敬不過是也

歷代列女

茅氏崇明朱虎妻也大德間虎官都水監坐罪籍其家吏錄送茅氏及二子赴京太醫提點師某乞歸家欲妻之茅氏誓死不從母子三人以裾相結連晝夜倚抱號哭形貌銷毀師知不可奪釋之氏託居永明尼寺憂憤不食卒

茅氏陸樞妻幼習小學孝經年三十三樞卒家貧織紉以給有攜孤上墓詩云攜却孤兒上古墳眼穿腹斷淚紛紛翁姑大德終身負夫子深情兩處分帛紙灰飛烟漸冷杜鵑聲切耳難聞東風道路多塵土不染金釵舊布裙

茅氏女慈谿人年十四父母亡獨與兄嫂居其兄病痿臥值倭入縣嫂出奔呼之偕行女曰吾爲室女去將安之且

氏姓譜

卷六十二

三希

茅氏

三

俱去誰爲扶吾兄者賊至縱火女力扶其兄逃於空室俱被燔灼而死

茅氏慈邑庠生張璽妻歸七月璽卒茅痛哭嘔血以頭觸棺幾絕乃葬令穿二壙將掩棺大哭以仆諸婦強扶以歸乃盡哀遂致終身有疾不迎醫雖諸從子亦罕見之亦不踰闕也

茅氏烏程人生員錢欽妻避寇安固村遇寇茅不從辱自投于河寇怒剖腹刳胎而死嘉靖間旌表

巢氏

彭城商晉有巢氏之後封于巢夏商有巢國其地在廬江子孫以國爲氏又望出魯國

歷代名賢

巢



巢堪章帝朝爲太常時曹褒請著成漢禮堪言一世大典非褒所能定後拜司空

巢元芳著病源

巢倚國子助教撰尚書義十卷尚書百釋三卷

巢尚之中書舍人

巢安上眉州人登科

巢實寶佑三年任通判揚州軍事

巢谷初名穀字元修眉山山人父中傳以學谷多力好武藝應舉不第去游秦鳳涇原間與韓存寶相善教之兵書熙寧中存寶爲河州將有功會討瀘州蠻乞弟邀谷至軍中

氏姓譜

卷六十一

三看

巢氏

六

問以籌策及存寶得罪就逮自度必死語谷曰我涇原武夫死非所惜但妻子不免寒餓吾橐中有白金非君莫可致谷許諾卽變姓名懷金步往手授其子而還人無知者與蘇軾蘇轍同鄉且素同游處紹聖初軾轍以言謫嶺海平生親舊無復相聞谷慨然徒步訪之由眉山達梅州遺轍書曰我萬里懷公恒以死期不意自全不旬日必得相見死且無恨轍驚喜旣見握手相泣道平生逾月不厭時年已七十三多病將復見軾於海南轍止之曰君意則善然至僇數千里當復渡海非老人所宜谷曰我自視未卽死公無止我閱其橐中無數千錢轍強資遣之舟行有蠻隸竊其橐裝以逃谷遂病死新州轍聞哭之失聲曰此非今之人古之人也



巢于翔常州人任通判

巢均新昌人永樂貢士任御史

巢鳳南海人成化舉人任威遠教諭

巢道人上猶人幼遇異人授以辟穀法嘗經月不食自言年九十顏如童子日行三百里盛暑烈日曾不畏避忽一日謂所親曰吾明日歸去果端坐而逝里人異之以爲脫穀云

歷代列女

巢氏女武進人許聘惲氏子惲父卒女言於親爲制服未幾子亦卒父母將爲擇對女曰忍以一女擇二姓哉遂自經死

膠氏

前漢古今人表有膠鬲漢有膠蒼

氏姓譜

卷六十二

三有

膠氏

六五

歷代名賢

膠

膠鬲紂賢臣遭殷末之亂鬻販魚鹽文王舉之于殷武王伐殷至鮪水殷使膠鬲候周師武王見之膠鬲曰西伯將何之無欺我也武王曰不子欺將之殷也膠鬲曰竭至武王曰將以甲子至殷郊子以是報矣膠鬲行天兩日夜不休武王疾行不輟軍師皆諫曰卒病請休之武王曰吾已令膠鬲以甲子之期報其主矣今甲子不至是令膠鬲不信也膠鬲不信其主必殺之吾疾行以救膠鬲之死也武王果以甲子至殷郊殷已先陳矣因戰大克之

膠

膠蒼漢武帝時與朱買臣嚴助終軍司馬遷之倫皆以辨知聞達名



鈔氏

見姓苑

歷代名賢

明

鈔秀彰德人正德舉人

鈔奇彰德人嘉靖舉人

鈔介字石嘉彰德人嘉靖癸丑進士任知府

抄氏

明永樂中有舉人抄思歸善人

氏姓譜

卷六十二

三希

抄氏至矣

氏姓譜卷六十二終



